

中華民國十六年五月

通化縣志

李鎮華敬題

通化縣志序

縣志者一部分之社會史也集各省縣志而會萃之撮其  
全國之民情之地輿之物產無不瞭然如掌上螺紋善哉



勲於是以為施政之權輿往歲司省政之長官根據部令檄奉天省所  
屬各縣纂修縣志尅期觀成蓋亦欲為亨毒全國之預備也當是時予  
適觀察東邊一道遵令督促未敢或懈顧時局俶優所轄諸邑感感保  
治安之不遑奚暇與邑之士大夫徵文考獻從事於纂述是以兩年以  
來告成者蓋寥寥焉獨權通化縣事李君東垣本年四月函告通化縣  
志纂輯竣事錄記例言二十則而以序為請予職責所在誼不容以不



祠宇志

古者建國營宮室以宗廟爲先立社稷與人民並重於是則祠宇尙已

通化邑萬山中深林大澤環象陰森祠宇最多乘神道設教之餘居民

者不禁又從而利用之迷信遂中於人心成爲風俗積漸之勢然也當

夫山林甫啓民智未開隨山刊木就地爲屋屋外剝木爲祠題木爲主

以祀山神土地與老把頭或七聖九聖及五道諸神歲時伏臘殺豕奉

醴香楮爆竹鼎沸雷鳴名曰上廟又或即枯樹腹中危岩穴外顏其額

爲大仙堂位置白板一片題曰供奉黃將軍胡太爺諸徽號他若虎豹

蝟蛇魚鳥之屬以及大草大木奇奇怪怪莫不寶祠之而頂禮唯謹以

爲不如是不可以徼福也而羽衣緇流建古刹創山寺尤皆有神則名  
衣食於祠宇或鏤石成人金其身曰如來或搏土塑像粉其面曰菩薩  
其皤然而叟狀者謂某某祖其莞然而媪容者謂某某母若輩之所以  
爲此者蓋深知愚夫愚婦非殿宇莊嚴偶像逼肖不能聳動其信仰而  
得其布施也故民多神話俗有巫風君子觀於此未嘗不歎學校之不  
興淫祀以熾蓋自設治至於清末亦已五十載矣宜興潘公茂蓀賢有  
司也宣統初捧檄入境目擊而心傷之下車而首毀縣署之大仙堂與  
衙神廟爲地方倡次及城鄉之壹是淫祀悉毀無遺都百有餘處一破  
迷信之風毅然與民更始民國興而典禮首頒祀孔關岳祠忠烈祠相

繼奉令建修是豈復神道哉崇德報功祀典所由重也祀典重則祠宇興焉公慮民之或因而誤會也於是禁申淫祀而明祭義慨然告於衆曰祀典自有神淫祀之所謂神何代功德何等人莫能知吾聞諸禮古聖王之制祭祀也法施於民則祀之以死勤事則祀之以勞定國則祀之能禦大菑則祀之能捍大患則祀之非此族也不在祀典若夫日月星辰人所測軌度也山林川澤民所取財用也赫赫祠宇今奚取焉而況下此之迷信尤大有害於人心風俗者乎是可謂詞嚴而義正矣夫祠宇所以妥神神聰明正直而壹者也生而爲英死而爲靈精神不滅河岳日星祀典固自有神祠宇亦自有制於敬則致於體則宜爰志祠

字

關岳廟

在城東北五里許玉皇山巔忠烈祠後垣宇宏廠殿陞莊嚴環垣疏林掩映紅牆一角隱隱遠見尤饒風景民國九年春奉令建修前監督潘公就玉皇閣舊址而改築者也

忠烈祠

在玉皇山坳關岳廟前有堂三楹兩廊稱之祀歷年殺賊陣亡諸烈士計入祠者已六十餘名祠門有聯曰浩氣歸九空神兮來遊化作天半春風嶺頭秋月咫尺若千里望而不見直欲踢翻江水踏倒山林係潘前監督集東坡字撰成匾額忠烈祠三字係前東邊道尹王公理堂題筆祠與關岳廟同

年建築

關帝廟

境內若北岡山嶺磳縫頭道溝大川街二道溝小橫道河子

熱水河子街均於奉令祀關岳後假名建築現計已有六座

娘娘廟


在城南十里大廟溝地方

胡仙堂

在城東十二里二道江地方

以上不在祀典各廟均由鄉民私行修築餘若姑子廟玉皇廟等亦間有之狄梁公淫祠之廢不旋踵將又復熾此亦有地方之責者所宜注意也





古蹟志

昔文子升瑕丘而欲葬羊公陟峴山而傷懷嗟乎古今人不相及而山高水清徒令人遊覽憑弔悲歌何其感人之深如此也蓋古人往矣吾不得而見之矣然古與今異其時不異其地山川無恙風景不殊人雖往而蹟自存也古人奮乎千載而上後人感於千載而下當其欣於所遇吟咏流連低徊不置莫不始而樂繼而奮終且悄然而悲不知泣下之何從登牛山而揮涕見羊碑而墮淚從來久矣此通今所由必博古也通化古蹟渺然蓋難言之說者謂邑闢於清同光間前此非有周王之馬跡謝公之履齒也設治六十年來其官吏風塵奔走既未聞範山

模水若柳州之記鉛母蘇子之賦赤壁而都人士更未聞特立獨行若  
高陽里若鄭公鄉若諸葛草廬留佳話於父母邦迄於今山川黯淡而  
寡色也亦固其宜雖然此肅慎氏之舊壤也自唐虞來四千餘年夫豈  
無豪傑之士生其間與四方賢士大夫之來遊哉僻在荒徼而文獻缺  
如也予嘗登玉峯而東望丸都指點烟雲下有通溝大王碑在焉西望  
康刪二密遺台清太宗東征之所築也而其南隄台嶺右佟家江北草  
樹蕭疎孤塚荒涼俗所謂老把頭墳也既而訪諸耆老類能道其梗概  
憶當時國家勇武之雄風人民冒險之精神猶宛如在吾心目今雖代  
遠年湮而流風餘韻其人猶有存焉者乎人必有異於庸流而後乃能

不朽於天壤蓋人事有廢興江山無古今也所憾者勝蹟傳聞每多失真之慮耳今考證既非子虛弗爲記載後愈茫茫後之人雖欲望風弔古既不見往者爲何人何代復不聞爲何地何事則荒烟蔓草俯仰悠悠又何自而興感乎茲誌謹摘其五較足徵信其他軼事遺迹荒唐附會概從闕文懼誣也

石頭城 在縣東八里哈民河左岸城牆高又雄踞高岡蓋當時修

佳江流動輒汎濫建城山頂防水患也城修何年已不可

考四圍繚以白石中徑約半里有奇東南各開一門現已

闕作瓜圃基石猶存老農春耕時獲古代箭桿對山係山

城子以土築城與吉林省雙城同一形勢修此城時與軍事上不無關係亦可概見或謂是處爲建州衛赴輝發大道故築雙城以駐兵云

### 高麗城

在縣西七十里磴縫英額布兩地之間耆老何銘嘗語人曰吾居此數十年從未見有遺迹初來之日亦未聞有是名蓋高麗修城多在山上土人見其石壁矗立儼然一高麗城偶戲呼之遂傳至今云

### 老把頭墳

在縣西南信禾鄉距城三十里把頭不知何許人亦不詳其姓氏父老流傳清初封禁時代臺兵稽查嚴人迹罕至

獨老把頭冒險深入採掘山葠人服其膽老把頭沒爲留  
此墓歐美多探險家老把頭殆其流亞歟

會哨處

有二處一在帽兒山

前在縣境今劃歸臨江縣

一在頭道江

在縣城東五里

每年清

廷遴派大員到此檢閱高麗軍隊高麗派員迎迓禮儀隆  
渥迄今土著猶能共道其詳

二密台

在縣北惠柳鄉距城三十里清康熙時派內務府大臣及  
都統赴長白山恭代行禮回報奴才等行至旺清門外第

一台站阿爾敏河地方遙望長白山頂靄靄瑞雲天女池

邊滾滾流水奴才等即望東跪拜聞長白山頂有聲者三

查東昌台在旺清門內頭道江台在佟佳江畔係旺清門外第二台站呼阿爾敏河曰二密河所謂第一台站蓋即指此惟是處山環水複十數里外卽不能見東南各山況距長白山尙五百餘里也

大王碑 現在輯安縣境舉其名而略其事俾後討論沿革有所依

據云

# 名勝志

自來佳山水之增重域中而推爲名勝者必其巍峩峭拔震蕩清漣形勢奇秀自具可觀之勝而後以勝名之也不然莫高匪山莫浚匪泉俯仰皆是實無勝狀之可觀名於何有如名人焉古今鈞是人也林林總總之中而覺世牖民者以德尊而政治經綸者以功顯而忠孝節義者以行著非此則文章名天下著述名後世與凡一材一藝之士名雖大小不同要未有無其實而襲其名亦未有有其實而無其名者也惟天之生名人也以時故或曠代而間出或並世而齊驅地之得名人也有分故或千里而不遇或一堂而稱盛名勝則不然矣天造地設無古今



無方域一也通化襟帶江山天然名勝而人未奇之豈天地之鍾靈毓  
秀獨限於東陲歟抑如名人者之時猶未出而不遇耶抑雖遇之無名  
勝地而不識耶昔予聞諸潘公茂蓀矣公嘗於政治之暇出其手創縣  
志草冊示予且曰內載十景例倣西湖恨無名筆記其勝耳予受而讀  
之喟然稱快其負郭四景所謂南天臥雪北嶺畊雲西山朝霞東江晚  
渡者予習見之焉其餘若抽水石洞諸勝距城雖不百里而或遠或近  
予未盡見之也夫名勝如古人豈可不一見乎公以名孝廉宰通十載  
躬歷山川必詳必盡目擊風景亦精亦確惜其書垂成而賚志以沒可  
慨也嗟乎地不自名因人而彰茅亭也不有子厚則馬退山色鬱湮於

遐裔矣今幸居是邦兼輯新志標奇攬勝非仍舊則事且渺茫撫景臨  
風非增新又慮或遺漏也謹志名勝舊有十景廣爲十二詳目如左並  
繫以時賢所吟咏其亦潘公之遺意乎

東江晚渡

江本近城人多趨市醉歸心重爭渡聲喧家畜依人先趨泗水游魚  
吞月誤躍入艙大珠小珠錯落篙上山影雲影倒映波中事雖至常  
景則第一

城東勝景玉皇前多少人家近水邊好是日斜風定後半江紅樹客呼

船

東望人海幾浮萍  
喚渡臨江兩岸聽  
最是夕陽無限好  
一聲欸乃數峯青

西山早霞

在西城隅枕南江水  
籠烟宵霽迎日晨  
開射入明窗  
黃庭欲寫分來  
小帳紅錦同  
明天賜綺裳  
爲驅春冷人疑瓊嶺  
乍試秋妝  
洵燦九光  
是第二景

霞光萬道射西山  
妙在微茫縹緲間  
日欲出時雲欲斂  
奇觀一幅出荆關

統霞飛彩落人間  
一片孤城萬仞山  
不道朝陽光線射  
却疑紫氣出西

關

南天臥雪

奇哉南天橫踞東嶺飄飄六出簇簇一新如宗少文臥游未倦如袁  
相國臥雪鳴高南陽臥龍同茲磊落北狄臥虎輸爾雄奇我願天下  
無數睡獅且到山頭喚醒夢蝶雖第三景實不二箴

南山積雪浮雲端下界城中增暮寒憶昔郢州歌一曲曾教高臥起袁  
安

南山萬仞五雲端白雪高歌和盡難一臥佟江聞古調天風浪浪滿城

寒

北嶺耕雲

登北城樓望北山上雲生嶺頂雲起峯腰布景至奇隨時作幻地多  
成熟民不忘農鴉鋤北來彼勤耕地牛犁南上我見耕雲事本無雙

景列第四

幾聲布穀幾倉庚嶺上春光畫不成最是綠楊城郭北白雲深處有人  
耕

江岸春冰

朔風夜號東江晨合如石堅實若鏡砥平天半惠風徹宵下拂地心  
真火乘時上騰豁達一聲推置兩岸光明石級疑入廣寒琉璃磚牆

恍遊海市朝曦初射夜月交輝景益寡雙景居第五

兩岸冰山幾萬重橫看成嶺側成峯春江好景原無定總在清明前後

逢

摹地一聲霹靂驚江平如練水澄清不知勝景冰開日疑是玉

橫

石棚秋月

大哉石棚廣如夏屋可開議會席設旁聽可燕嘉賓舫飛不夜天心  
仁愛深恐不光石頂洞穿使得空氣狡兔乘間隨客俱來矧在秋中

正逢月滿明如火炬圓等電燈因僅一時列第六景



通化縣志序

瀋陽孟慶芳伯蓀

余自弱冠弄柔翰即慨然有四方之志深恥夫雕蟲小技追章琢句徒

姝姝於一先生之言或高談而無根或勦說而不當者皆不足爲也洎

壯歲畢業國立瀋陽高等師範國文科欲周遊四方歷覽名山大川以

擴其胸襟耳目猥以家貧親老不得不假舌耕以謀養而鱸堂坐困做

嫁因人不第足跡未涉天下十分之一即古人所箸經世之書亦多十

未窺一二居嘗引以爲憾焉甲子秋膺通化中學國文講席之聘路出

鐵背山薩爾濟建州衛等處流連前朝戰爭之地及龍興之都慨然想

見帝業締構艱難而荒服甌脫之區實爲兵家必爭之地也越建州而



石棚山月擅雙清山色月光畫不成好是中秋人盡望一峯高轉一輪明

石棚山上石棚留醉月春曾幾度遊無限清光自今古琴樽照處最宜秋

金鷄簪冠

維江南岸在北山坡山勢欲飛如鷄展翅山頸突出若鷄簪冠雨散雲收石作金色山泉松韻時聞金聲有采金人謂金把曰金鷄已報金綫必豐雖迷信深兼金難破而風景好千金難求徇其再請列以

七景

雄飛氣勢四圍低獨立更無山與齊文采於今都尙武峨冠不見欲鳴  
雞

名山昔我見雞冠此砵成名更壯觀秀出群峯齊虎拜雄姿莫作不鳴  
看

石龍滴水

龍崗系遠龍泉洞闢龍口上張牙牙垂石龍涎下滴顆顆成珠細洒  
草根龍鬚醮水流入山劇龍眼生波龍本噓雲輕雲護口龍能致雨  
疏雨臨頭龍戲三昧我列八景

石壁懸崖洞口開清流原自此中來仙源不盡桃花水寄語漁人任往

回

不是桃源亦洞天  
涓涓流水自年年  
時人豔說龍飛去  
此地空餘白水泉

孤砬飛石

羣山悉平中峯突起瘦石畢露  
凌風欲飛秋雨一郊不到山頂春雲  
四起僅護峯腰隔江觀山如天隕石千尋獨立九景已成

北望孤砬勢崢嶸萬仞青空削不成  
鷲嶺何年飛落此平添一柱把天擎

萬峯遙拜一峯孤柱石東邊鎮一隅  
除却飛仙游不到高山仰止詠今

雙龍戲珠

一水中分兩峯對峙如龍掉尾如龍仰頭俗呼龍頭景猶未盡下俯  
江水中起土峰如珠點波二龍對戲如珠出蚌二龍競吞珠圓十分

表列十景

雙龍珠戲世空傳如此山光竟肖然知是乾坤工造化故鍾靈氣列江  
邊

公園福地

玉山之麓佟江之表秋樹參天春流鼓棹遠嶺雲歸古洞月到好鳥

嚶嚶穿林而噪鮮花簇簇凌枝欲笑不假人功自然天造加以點綴  
倍形幽妙既適衛生尤便遊眺雖十一景前無與較

公園風景最清新山色江聲幾度春一帶綠楊城郭北游蹤誰說走紅  
塵

玉峯插天

維玉皇山聳天之杪林密雲深崖懸壁峭探奇西北既多幽妙守望  
東南尤見險要振衣千仞白雲相繞昂首九霄紅塵不到微雨龍吟  
怒風虎嘯星高可摘月明能釣異景奇致不可勝道雖鑿巫閭或難  
與較因無傳播湮沒不少山不遇人曷勝感悼表而出之真相畢昭

殿全景後列十二表

城東直上白雲巔  
豪興題詩欲問天  
一水伶江山兩面  
山山低首玉皇前

崢嶸萬仞俯孤城  
一帶伶江脚底清  
不是玉皇香案吏  
客遊也得到蓬瀛

萬山低首玉皇高  
五嶽歸來興又豪  
今我老僧登絕頂  
半天烟雨聽松濤



## 田賦志

禹平水土貢賦成書田分上中下賦亦分爲九等周禮行政之大綱設官分職而外首在乎體國經野故土地之闢田野之治人民藉以生活國家爲保民計有力役之征卽有粟米布縷之征助法貢法徹法法雖不同要皆取之於民民盡義務爲享保護之權利終歲勤動雖勞不怨是知國與家家與身有互相維持之關係况我邑地處荒陲草萊初開昔爲甌脫今隸版圖計畝升科受田納賦更爲治於人者之通義向後地利愈盡民生益裕不惟治賦有成績力田亦有增進今就現狀以志

### 田賦



上則 中則 下則 沙城 街基

第一區 二九、五〇〇 畝  
 二三、九八五、二〇〇 畝  
 二、七四〇、〇〇〇 畝  
 三、〇〇〇 畝  
 查、六〇〇 畝

第二區 七、六〇〇 畝  
 四二、五五八、七〇〇 畝  
 三、七三九、四〇〇 畝  
 七九、〇〇〇 畝

第三區 四七、四〇七、〇〇〇 畝  
 三、七九〇、〇〇〇 畝  
 五二七、七〇〇 畝

第四區 四八、一五十一、三〇〇 畝  
 三、三四二、一〇〇〇 畝  
 一、四六四、〇〇〇 畝

第五區 三、三九、七〇〇 畝  
 八九、二七七、〇〇〇 畝  
 一、三六一、五〇〇 畝  
 一二九、三〇〇 畝

第六區 七二、二七八、〇〇〇 畝  
 一六、七四八、〇〇〇 畝  
 五三、〇〇〇 畝

第七區 二八、七七二、五〇〇 畝  
 八、〇〇〇、〇〇〇 畝  
 四三、〇〇〇 畝

第八區 二〇、二五六、八〇〇 畝  
 八、〇〇〇、〇〇〇 畝  
 一六九、〇〇〇 畝

統共 上則 三、三六八〇〇 中則 三、七二、六六五〇 下則 四、七二、〇〇〇 沙城 二、四八、〇〇〇 街基 六四、六〇〇

上則地共征正款連經費似大洋 五二〇、〇二七 按仁折合大洋 一、〇四〇、〇五四

中則地共征正款連經費似大洋 四〇、九九五、五一五 按仁折合大洋 八二、九九一、〇三〇

下則地共征正款連經費似大洋 三、二一五、五八六 按仁折合大洋 六、四三一、一七二

城則地共征正款連經費似大洋 八一、四四四 按仁折合大洋 一六二、八八八

街基地共征正款連經費似大洋 九一八、九一八 按仁折合大洋 一、八三七、八三六

又龍崗上則 五、七九、七〇 共征正款似大洋 二三〇、七八八 按仁折合大洋 四六一、五五

又龍崗中則 三五、〇九、八〇 共征正款似大洋 一、〇五二、七五四 按仁折合大洋 二、一〇五、五八

又龍崗下則 二一、五〇、五〇 共征正款似大洋 四三〇、〇五〇 按仁折合大洋 八六〇、一〇

又龍崗樵採

五、三〇〇〇畝

共征正款似大洋

五三、九〇〇元

按仁折合大洋

一〇七、八〇元

## 物產志

昔神農以耒耜利天下而周室以稼穡開基業良以食爲民天民爲邦本古人之用意至熾至悉也惟自神農野老季炎諸書失傳而民無以窺聖人利用厚生之精義自土性種植牧畜之法失傳而民無以策爲急用舒之良方遂致閭閻鮮蓋藏之嗟國家有仰屋之嘆而天不能養地不能長百物不能產而至於不可以爲生矣嗚呼以臚臚禹甸茫茫神州而致於貨棄於地一籌莫展毋亦爲執政者之羞歟有清末造深鑒及此凡在邊徼禁地一律飭令開闢故我通以荒塞之區亦得設治開墾計今五十餘年人烟稠密市肆雲集物產繁殖迥非昔比然以生

寡食衆之故亦恐有產不供需之患今試就確實之調查考之山多童  
山濯濯而森林不興可知也礦則寶藏於地則礦業不興可知也穀者  
收穫日減則農業不興可知也魚則生殖漸殺則魚業不興可知也由  
此以觀吾通雖據肥腴之區天府之地但人人安於故常不能利用天  
然以盡地利此非來日之隱憂乎噫粵之富也以材木意之富也以蠶  
桑美之富也以木棉法之富也以葡萄大不顛重殖民國旗隨日影齊  
飛西班牙喜探險輪機逐波光並至物產之關係如此其大尙望邦人  
君子於書所謂惟土物愛厥心臧之言加之意焉可耳作物產志首動  
物次植物附藥材次礦物而以區域圖附焉

物產

動物

甲 獸類

馬 六畜之一漢書扶餘傳出名馬新唐書渤海傳俗所可貴者率賓之馬率賓即今奉天東南之地西北塞外所來之馬較此地所產尤良

牛 爲反芻獸亦六畜之一性馴有力能耕田駕車考隋書百濟傳畜有牛五代史女真地多牛

驢 家畜多產於亞洲西部體小於馬耳頰皆長其毛夏爲黃色冬爲

褐色鼠色背之中央有黑線一自鬣直達於尾性溫順能負物與

牝馬交則生騾

騾 家畜一作羸史記單于乘六羸驢馬相合而生者鎖骨不開故不

孳乳

犬 家畜俗呼爲狗通考女貞多良犬犬能守夜故家家畜之

羊 爲反芻獸有綿羊山羊二種綿羊毛長而捲曲牝無角牡有小角

一對捩折如螺旋其毛以織呢絨之屬山羊古稱吳羊毛短色多

白角向後彎曲

豕 家畜俗呼爲豬周官職方氏幽州其畜宜四擾「註」四擾牛馬羊

豕俱爲常畜

貓 家畜一名狸奴能捕鼠禮大蜡迎貓爲其食田鼠也故今人多畜之

狸 俗稱野貓頭圓尾大毛黃黑相雜有斑紋頗類貓皮可爲裘

狐 有火狐山狐二種毛溫煖可爲裘腋尤良

狼 獸之最猛惡者狀類犬而長瘦喜食肉皮可爲褥毛以青白者爲

貴

貉 狀如狸性好睡俗名癩貉子皮可爲裘

糴 似犬而小皮可爲褥油能治湯火傷



兔 山產爲山兔家畜爲家兔俗謂之跳毛温煖用之作護膝可療腿

疾

鼠 即家鼠善嚙物又能爲鼠疫之媒介土人多畜貓以捕之

蝟 鼠類有刺毛足短尾長犯之則形縮刺張俗呼刺蝟蝟皮可爲藥

田鼠 一名鼯鼠穿地而行禮月令田鼠化爲鴛卽此

鼯鼠 俗呼黃鼠狼又名騷鼠皮可爲帽尾毫可製筆

豆鼠 即詩之碩鼠一名鼯鼠藏身田野好食穀豆故又名豆鼠

松鼠 一名花鼠週身豹文即鼯鼯也又有香鼠小於松鼠或有畜爲

戲具者

乙 禽類

雞 家禽古稱翰音見易及禮本草遼有食雞角雞二種食鷄可充庖  
廚角鷄即鬪鷄也雄司晨雌孵雛產卵多含蛋白質富於養料  
又有毛之反生者曰翻毛鷄烏骨者曰烏鷄亦有雙冠者

鴨 家禽周禮庶人執鶩即鴨嘴扁平足短兩翼甚小拙於飛翔趾有  
連蹼能浮水肉肥美卵可食

鶩 家禽似雁而大身白頸長嘴大而黃身軀肥滿而尾腿皆短翼力  
弱不能飛

鳧 俗呼野鴨常棲息湖澤中雄者毛羽甚麗頸綠色翼長能飛翔空

中肉可供食品

鴿 俗呼鶉鴿依人鳥也有野鴿家鴿二種野鴿全體黑暗惟背之中

央爲灰白色頸及胸有紫綠之光澤羣棲林中家鴿爲野鴿之變  
種形態羽色種別甚多飛翔頗捷記憶力甚強故軍中用以傳書

雉 禮月令雉入大水爲蜃漢避呂后諱改名野鷄生山谷中肉可食

鵠 俗名天鷲全體毛白故稱鷲鳥頸長嘴根有瘤色黃赤飛翔甚高

鳴聲洪亮

烏 一名慈烏色黑能反哺俗呼老鴉

鴉 一名山老鴉即詩之鸞似慈烏而大口腹白不能反哺

鶯 一名黃鸝即詩之倉庚背灰白色尾有黑羽雌雄常雙飛俗稱黃

鶯

燕 古稱玄鳥春來秋去皆以社日禮月令仲春之月玄鳥至仲秋之

月玄鳥歸有胡燕越燕二種喜雙飛恆棲樑上俗以善營巢者爲巧燕不善營巢者爲拙燕

雀 依人小鳥棲於簷瓦間俗呼家雀一名瓦雀有斑色者曰麻雀

鵲 一名喜鵲見陸賈新書開戶必背太歲如歲多風則巢枝下故又

名靈鵲

鳩 俗呼斑鳩種類不一頭小胸凸尾短兩翼長大善飛禮月令仲春

東山則龍蟠虎踞崗則馬逸牛奔行旅雖爲之稍阻然扶輿磅礴之氣  
葱鬱肅穆之靈而懷琦抱璋之士剛毅有爲之人又未始不鍾於此間  
也莅通後輒喜與名豪賢士交且於課餘時約詩侶提毫携榼日遨遊  
於玉皇佟水間肆志徜徉歌吟呼嘯若忘其爲客者故寄居茲土匆匆  
三年雖無奇景勝地足以消遣世慮鼓盪志氣然潭湧鳴江之綠日華  
鵲果之朱又未嘗不悲縣志未刻古籍無徵也聞與摯友李君曉峯宮  
君憲斌張君太璞道及此議宮君曾泣然涕零曰昔吾師宜興潘公茂  
蓀曾手撰是書矣惜書未成而公歸道山余聆宮君之言不禁嘆旣未  
得見潘公之爲人復不得睹其書可慨也會客秋省憲有飭修縣志之

令監督李公東垣廼續而成之遂延李公曉峯董其成聘邵君緯宸徐君冠堂宮君憲斌分任編纂芳以非材亦幸與焉稿既讐校藏事例應有序余乃奮然興曰古之通儒碩彥未有不以朝章國典民風禮俗世運隆替吏治臧否爲競競者也試徵諸鄭漁仲王伯厚魏鶴山馬貴與顧寧人諸賢箸述具在沿革可考又烏有空疏無本之學哉芳自早歲蓋嘗有志於綴緝顧家無墳索插架之收藏胸鮮博古通今之淹貫間有足跡所到發爲詩歌者而詞多不雅馴豈復敢以斯文自詭今幸得隨諸君子後分纂教育警察實業官署物產宗教僑寓等志語焉弗詳罣一漏萬訛謬之愆知所弗免然必鯁鯁而爲之者蓋猶曩者之志也

之月鷹化爲鳩仲秋之月鳩化爲鷹

布穀 一名鳴鳩又曰鳴鳩俗呼報穀每至穀雨此鳥即鳴農人以爲

播種之候

戴勝 小雀尾短嘴長色青頂有毛如戴花勝禮月令季春之月戴勝

降於桑

鷓鴣 一名鷓鴣禮月令田鼠化爲鷓鴣夏小正鷓亦化爲鼠俗呼黃鷓

鶉 俗呼鷓鴣性喜鬪惟青蛙化者則不鬪

鷹 一名鷓鴣屬鷓鴣鳥禮月令孟夏之月鷹乃祭鳥產自遼河有白

鷹尤猛鷓

鷓 鷓屬鷺鳥能搏鷄俗呼鷓鷹生翼即食其母如梟一名隼又曰晨

風

雁 大曰鴻小曰雁禹貢謂之陽鳥春北秋南不失時故又曰信鳥失

偶不配爲雁奴本境雁多鴻則少見

鷗 水鳥嘴鉤曲而強羽毛白色長過其尾前三趾間有蹼喜遊泳水

中

鸛 水鳥一名伯勞鳴則必雨有黑白二種

鰯 俗呼打魚郎嘴短趾有連膜後趾能前後迴轉棲水邊俗稱魚鷹

古謂之睢鳩



鴟鵂 即梟又名鴟鵂生翼即食其母鳥類之最不孝者也色黑黃而

斑其首如貓俗呼貓頭晝畏日光入夜則明故又名夜貓子惡聲之鳥也

畫眉 似鶯而小黃黑色白眉如畫故名善鳴抑揚可聽

百靈 狀似鵲體較大羽蒼白色有斑以其善鳴人多畜之

蘇雀 黃雀之類善食蘇子又名千里

蠟嘴 桑扈之類

紅科 色紅善鳴

靛青 大似瓦雀靛色

鐵脚 俗呼山雀爪堅如鐵

黃肚 俗呼黃肚臙

鳳頭鳥 俗名鷺卵頭有毛冠鳴聲可聽

啄木鳥 嘴堅銳如錐直通腦後引之愈長樹中蟲蟲能鉤取食之

號寒鳥 即號寒蟲夏日毛盛自鳴鳳凰不如我冬日毛脫則鳴得過

且過糞卽五靈脂可入藥

縮脖鳥 色黑形如鶴翅支脚高飛則縮頸

蝙蝠 爾雅曰服翼晝伏夜出似鳥非鳥糞卽夜明砂可入藥

丙 鱗介類

鯉 肉味鮮美爲魚類最上之品渾江中多產之

鯽 一名鮒似鮮而小脊部隆起好羣行

鮓 似鰻而大色黃無鱗俗呼槐子魚

鮎 即詩之鰻身圓無鱗生流水者色青白生水者色青黃

魴 縮項窮脊扁身細鱗俗呼鰕花

鱖 扁形潤腹巨口細鱗有斑俗呼鰲花

鮠 似鰻而短爾雅謂之鰓俗呼泥鰍

鱖 似蛇無鱗腹黃俗呼鱖

白魚 白色細鱗魚之貴者清時充貢品

刀魚 扁身細鱗色如銀形如刀以之充饌味至美

龜 似鼈而小背生六紋本草龜壽最長有千歲者甲入藥曰龜板

鼈 俗呼團魚又名脚魚肉可食甲可供藥

蝦 身曲多鬚大者長數寸小者寸許可食以之製蝦油蝦醬亦佳

螺 易離爲羸卽此大小不一屬海中者種類尤多

蜆 似蛤而小隋劉臻謂之扁螺

蚌蛤 禮月令雀入大水爲蛤殼有花斑肉可充饌

蜊蛄 亦名刺姑蝦屬大可盈寸第一對脚有螯如蟹可搗之爲膏縣

七區蜊蛄河盛產之

青蛙 即鼃一名田雞似蝦蟆而無疥磊小時生池沼中又一種純青

金色者名黽俗皆呼蝦蟆初生者名蝌蚪

蝦蟆 蛙屬亦作蝦蟇似蟾蜍而小居陂澤中體暗褐色背有黑點亦

有疣如蟾蜍善跳躍其鳴作呷呷聲

蟾蜍 蛙之大者爾雅謂鼃醜體暗褐色後足之趾間有蹼皮膚有疣

無數疣內分泌白色毒液體肥行遲緩不能鳴棲息於陰濕之

地夜出捕小蟲食之

丁 昆蟲類

蜂 有土蜂馬蜂蜜蜂三種蜜蜂採花釀蜜煉出黃臘馬蜂螫人蜜蜂

不螫人土蜂一名蝶羸純雄無雌負蟲爲子即螟蛉

蝶 俗呼蝴蝶爲蛄蜥鳥蠋等羽化而成體小有四翅甚大形色不一

喜飛翔於花間種甚多有粉蝶黃蝶鳳蝶等

蟬 蟲之善鳴者生於夏秋種類甚多有秋蟬蚱蟬茂涼蟬螻茅蜩螿

蛄等種類振翼作聲音甚清朗殼入藥曰蟬蛻

螢 俗呼螢火蟲長三分許雄者體黃頭黑有複眼翅鞘柔軟點線密

布雌者無翅形如蛆尾端皆有發光器呼吸時空氣傳入生養化

作用發光頗美麗

蠶 有山蠶家蠶二種家蠶食桑山蠶食柞境內山蠶頗漸發達家蠶

甚少能吐絲作繭可製綢

蛾 係蠶所化凡草木蟲以蛹化蛾者甚衆

蚰蜒 節足動物體細而長大者爲蜈蚣本地罕見

阜螽 蝗屬長脚修股善跳作聲俗呼螞蚱卽詩之阜螽

蜘蛛 大者爲蜘蛛俗呼癩癩蛛小者曰蟪子卽詩之蠨蛸負蟠卽詩之伊威又有棲壁間者作幕如錢者俗名壁錢

蝸牛 一名蛞蝓軟體動物身藏殼內成螺旋狀白色頭有兩黑角涎畫屋壁悉成銀色

蜻蜓 六足四翼分頭胸腹三部複眼甚巨口噐強壯羣飛水際俗呼

螞蚱爾雅謂之負勞

螻蛄

偏腹青色秋鳴以股冬可畜養交春則死所謂螻蛄不知春秋是也禮月令曰螻蟪俗呼聒聒

螻蛄

係害蟲俗呼土狗晝穴居土中夜出飛翔能鳴而跳躍爲稻麥之害

蟋蟀

一名促織又名蛩俗呼趨趨全體黑色善跳好鬥秋後則鳴其聲甚大

蚱蜢

蝗屬翅股俱長能飛不能鳴俗呼扁擔勾一名蟲蚤

蜉蝣

朝生暮死之蟲長六七分頭似蜻蛉而小有四翅體細而狹夏

通化

縣志

卷一土地物產

八十七

奉天作新印刷局印



秋之交多近水而飛往往數小時即死

水蛭 俗呼馬蜚生水中能吮人血

螳螂 禮月令仲夏螳螂生俗呼刀螂深秋乳子作房著樹枝是爲螻

蛸

蜚螂 黑甲蟲俗呼屎客郎轉糞爲丸納於土坎子生其中

蠅虎 身黑扁嘴有雙肉鉗攫蠅食之

蠹虎 即守宮食蠹故名蠹虎

瓢蟲 形似青豆黃赤色背有黑斑殼翅內有膜翅俗呼放牛小

蛇 爬蟲類體爲長圓筒狀修尾無足以肋骨自由伸縮而行全體有

鱗紋明之表皮年年更脫舊以入藥

蜚蜴 即蛇師俗呼馬蛇子

蠍 俗作蝎一名蠹其毒在尾螫人

蚯蚓 禮月令孟夏蚯蚓出冬至之日蚯蚓結俗呼曲蟺白頸者入藥

尺蠖 似蠶而小促其腰使首尾相就乃能進步

蠟蟲 大如蟣蝨分泌蠟質甚多涎著樹莖收煉成白蠟較川產微黃

馬蟻 一名馬陸多足蟲俗呼錢串子

螻蛄 嚙人蟲有大小二種

臭蟲 嚙人蟲又有嚙牛者曰牛蝨嚙狗者曰狗蝨

蚤 螯人虫形小而黑跳躍迅速

蠅 分青蠅蒼蠅二種青蠅即綠豆蠅最污穢蒼蠅次之均能亂色且爲時疫之媒介故人多惡之

蟻 種類不一大曰蚍蜉小曰螳俗呼麻蟻力舉等身之物鬥時亦有行列謂之蟻陣

蟬 書中蟲一名蠹魚

螻 一名螻蛄金龜子之幼蟲食樹木果實

蚊 產卵水中其幼蟲爲孑孓夏日人飲涼水誤吞此蟲即生疾病

虻 俗呼瞎虻似蠅而大口尖銳能嚙人畜

蠓 一名蠓凡草木葉起胞中生小蟲即蠓胞裂蟲飛出

植物

甲 穀類

蜀黍 禾本科蜀黍屬種始自蜀故名蜀黍栽培於陸田中一年生草

本稈粗而高達六七尺徑寸許葉大潤二寸長二尺餘與莖俱

稍帶赤褐色夏月莖梢抽出大穗圓錐花序花後結實赤褐色

種子供食用其種子舂去殼爲米俗呼秫米北方人民常食之

米漚之爲粉可製餅餌糠可飼豕和以麥麩又可釀酒麻醉性

最烈俗呼燒酒其穢可爲燃料張華博物志北地通呼曰高粱

玉蜀黍 禾本科玉蜀黍蜀一年生草本能直立高至七八尺葉長而

大俗呼包米有黃白二種種子藏包中嫩時可食熟可磨粉

煮粥又可釀酒境內人民常用以代飯

黏蜀黍 有黃黑二種與蜀黍無異但性黏可製爲糕餅穗長可爲帚

黍 俗呼大黃米周禮職方氏東北日幽州其穀宜三種（注）三種黍

稷稻黍晚種早收邊地最宜爾雅翼與本草俱言黍與稷大體相

似北方用之釀酒亦可食又稷子似黍粒大不黏俗呼漫子米亦

間有種者

秫 俗呼小黃米亦可釀酒孫炎沽爾雅謂黏粟爲秫今北方人通呼

高粱爲秠秠故高粱米曰秠米稽曰秠稽蓋蜀黍之誤也

稻 卽詩之稌渤海傳有盧城之稻本境從前種者極少自設水利分

局後提倡種稻沿江河處多有種者其米爲大米

杭 陸稻也米似大米而滑潤次之本境產額頗少

糯 黏稻也亦陸地產可製角黍或煮粥

粟 俗呼穀子米曰小米卽古之黃糧本境農產除高粱包米大豆外  
以此爲大宗其禾稈曰穀草可用飼牲畜

小麥 禾本科小麥屬種類不一栽培甚廣越年生或一年草本能直

立高至三四尺葉細長而尖其種子磨爲粉末供麵包饅餛索

麩及茶食類之料又可造醬及醬油

大麥 禾本科形狀與小麥同一名牟麥可爲酒麩及煮粥之用

蕎麥 播種最晚春耕悞期或改種始植爲晚雨亦可製麵粉

稗 宜下濕地故沿江河地多產之稗可爲葺屋之用

脂麻 俗稱芝麻可製香油銷路極廣

蘇子 爾雅謂之桂荏今有紫白二種子可榨油

蓖麻 子斑紅如牛蝨可入藥豨花者俗名大麻子俱可榨油

火麻 雄曰泉雌曰苜子曰廢可榨油皮漚之爲線麻本境種者頗多

大豆 古謂之菽今分黑白黃褐青斑諸色可造醬製油榨油粕爲本

境農產大宗

小豆 有黧白赤黃數種赤者入藥餘可製粉合大麥造酒麴

綠豆 晚田與蕎麥等可製粉烝糕煮湯飲之能清暑解毒

豌豆 爾雅謂之戎菽遼史謂回鶻豆

篇豆 色亦不一白者入藥菜豆似篇豆而莢長可入蔬

雲豆 種來自雲南故名可充蔬

豇豆 莢必雙生有紅白二種長而肥者充蔬皮薄者秋成取粒

乙 蔬類

韭 禮名豐本早春最美子入藥又山韭獨莖一葉即詩之鬱爾雅謂



之藿

葱 分春秋二種秋種名曰白露移至他處來春再發卽爲羊角又有

山葱爾雅謂之蒼

薤 本草一名大葱又有山薤爾雅謂之勤莖如小蒜謂之薤白

蒜 分白皮紫皮二種白皮蒜中國種紫皮蒜大張騫自西域攜歸

菘 俗呼白菜有二種嫩黃者爲黃芽白窄勁者爲箭桿白又有葉捲  
伏作掌狀者俗呼疙疸白種來自山東

芥 十字花科藟藟屬栽培甚廣一年生或越年生草本高至四五尺  
葉長六七寸莖與葉有辛味供食用種子分黑白二種亦有辛味

芹 水旱二種赤白二色生於野者即紫莖本境山中多產之

菠薐菜 俗呼菠薐菜早春晚秋時均有之唐太宗時呢波羅國所獻

蓴菜 即胡蓴也名見本草綱目李時珍曰蓴乃莖葉布散之貌係一

年生草本高至二尺餘葉羽狀複葉細裂互生其葉莖微有臭

氣種傳自西域俗呼香菜

樗薑 俗呼臭菜子可榨油本境種者甚少

蒿苣 俗呼生菜不可烹飪生食故名

莧菜 野生有赤白二種皆可食又有馬齒莧葉青梗赤白根黃花子

黑本草名五行菜

東山則龍蟠虎踞崗則馬逸牛奔行旅雖爲之稍阻然扶輿磅礴之氣  
葱鬱肅穆之靈而懷琦抱璋之士剛毅有爲之人又未始不鍾於此間  
也莅通後輒喜與名豪賢士交且於課餘時約詩侶提毫携榼日遨遊  
於玉皇佟水間肆志徜徉歌吟呼嘯若忘其爲客者故寄居茲土匆匆  
三年雖無奇景勝地足以消遣世慮鼓盪志氣然潭湧鳴江之綠日華  
鵲巢之朱又未嘗不悲縣志未刻古籍無徵也閒與摯友李君曉峯宮  
君憲斌張君太璞道及此議宮君曾泣然涕零曰昔吾師宜興潘公茂  
蓀曾手撰是書矣惜書未成而公歸道山余聆宮君之言不禁嘆旣未  
得見潘公之爲人復不得睹其書可慨也會客秋省憲有飭修縣志之

令監督李公東垣廼續而成之遂延李公曉峯董其成聘邵君緯宸徐君冠堂宮君憲斌分任編纂芳以非材亦幸與焉稿既讐校歲事例應有序余乃奮然興曰古之通儒碩彥未有不以朝章國典民風禮俗世運隆替吏治臧否爲競競者也試徵諸鄭漁仲王伯厚魏鶴山馬貴與顧寧人諸賢著述具在沿革可考又烏有空疏無本之學哉芳自早歲蓋嘗有志於綴緝顧家無墳索插架之收藏胸鮮博古通今之淹貫間有足跡所到發爲詩歌者而詞多不雅馴豈復敢以斯文自詭今幸得隨諸君子後分纂教育警察實業官署物產宗教僑寓等志語焉弗詳罣一漏萬訛謬之愆知所弗免然必鯁鯁而爲之者蓋猶曩者之志也

同蒿 形氣同於蒿亦可茹又有萋蒿爾雅作繁詩於以菜繁即此今

呼同蒿菜

苦蕒 即詩之藜與芑禮月令四月苦菜秀俗呼曲麻菜

蕨菜 莖色青紫末如小兒拳山野多生之可食土人呼曰山菜

地膚 俗呼掃帚爾雅謂之王芻苗嫩可食老時可爲帚子入藥

灰藿 俗呼灰菜即藜藿也貧家有食之以代飯者

批藍 南方謂之芥藍葉可擘食故曰批藍

黃花菜 一名針金菜卽萱草也名見本草綱目李時珍曰其花黃色

故名

紅花菜 即山丹花花大而斑者曰捲丹花根爲百合

鎗頭菜 即蒼朮苗

筆管菜 即黃精苗

杏葉菜 初生可食又一種曰歪脖菜皆沙參苗

明葉菜 初生可食長成根即桔梗

秦椒 味極辛俗呼辣椒生青熟紅土人多食之

芋 俗呼芋頭晏子汝山之芋大若蹲鴟唐嬾殘煨等皆此物也

山藥 即薯蕷唐避代宗諱改名山藥子生葉間名零餘子俗呼山藥

豆

紅薯 俗呼地瓜一名甘藷

馬鈴薯 俗呼土豆其狀如馬鈴故名

胡蘿蔔 形狀細長大者長八九寸有玄赤二種元時種始入中國

蘿蔔 爾雅謂之葵蘆肥今以圓而皮紅者爲大蘿蔔又有青紫等色

別種曰水蘿蔔有紅白二種子入藥名萊菔子

茄 有白茄青茄紫茄等名係茄科一年生草本本地常食者爲旱茄

有紫白二種

黃瓜 禮月令謂之王瓜或曰種來自西域故名

苦瓜 俗呼癩瓜別名錦荔枝

倭瓜 種出東洋今爲常蔬種類甚多又有玉瓜似倭瓜而小

東瓜 形似匏子而粗短

南瓜 一名桃瓜種來自南番故名

攪瓜 似倭瓜而小肉生筋絲醬醃密餞皆宜食時以箸攪取出之似

縷切者

絲瓜 結瓜時以堅石墜之則直老則筋亂如絲

壺蘆 即匏瓜也今以長者爲匏子圓者爲葫蘆皆可食別有細者曰

藥葫蘆扁者曰油葫蘆老而堅者可備器用

蘑菰 種類不一本境產者頗多有黃蘑松蘑榆蘑榛蘑凍蘑等



木耳 真正擔子菌類木耳族寄生於死物如接骨木與桑等之莖上及山中諸木之朽處菌絲體生長後則生子實體茶褐色膠質耳狀大二三寸其子實乾而貯之供食用嚼時有聲本地所產者有桑耳槐耳榆耳柘耳等名

丙 花類

牡丹 紅黃白紫數種花最艷美通志略古無牡丹統稱芍藥自唐以來始分爲二又有牡丹花王芍藥花相之說

芍藥 紅白兩種生山野者曰山芍藥芍藥殿春又名婪尾春

桃花 有紅白粉紅諸色又有碧桃一種

李花 暮長放花蕊細如雪種亦不一

杏花 春夏之交開花錦繡較南方稍遲

梨花 山中最盛開時望之如香雪海

月季 一名月月紅又名十姊妹種類不一

海棠 一名垂絲紅一名貼根海棠又有秋海棠入秋始開色亦嬌艷

近多洋海棠四時常開

葵花 獨莖頂作黃花大如碗向日轉亦名向日蓮境內種者頗多子

可食

荷花 即詩之菡萏爾雅謂之芙蕖今名蓮花有紅白二色境內甚少

桂花 細碎而香淡黃色花之貴品植者甚少

菊花 禮月令鞠有黃花即菊有紅黃白紫等色不下百餘種

鳳仙 俗呼指甲草性能透骨子入藥

木槿 俗名瘡子花考之日華諸家本草有檨欒薜日及朝開暮落花

藩籬草花奴玉蒸等名羣芳譜曰木槿木如李高五六尺多歧

枝色微白花朝開暮落

丁香 爲常綠木本有紫白二色香氣馥郁開寶本草有丁子香鷄舌

香等名

茉莉 一名苜莉香味最勝植者甚稀

玫瑰 紅者可入食品俗呼刺玫

山丹 似百合小而瓣少莖亦短小其葉狹長而尖頗似柳葉四月開

紅花采其花附未開者乾而貨之名爲紅花菜一名紅百合又

名透百合

捲丹 六出四垂大如山丹根爲百合可充蔬

石竹 多年生草本枝如竹葉對生夏月莖頭開花子入藥名瞿麥

金盞 黃花如盞秋深猶茂

玉簪 一名鶴仙未開時如白玉搔頭故名玉簪黃紫者差小

鷄冠 形如鷄冠有紅黃白數種

薔薇 係園灌木高四五尺初夏枝梢開花有單瓣復瓣及紅白黃濃

淡等色

素馨 有黃白二色白者團而小香勝茉莉

馬纓 一名合歡其葉晝舒夜捲花如絨

牽牛 蔓生花色不一俗呼喇叭花子入藥曰黑白丑

桃柳 柳葉桃花四季常開

小桃紅 花色紅於桃花而不結實

石榴花 有紅白黃三種不結實者名翻花石榴

荷包花 花似荷包鬚亦如穗

蘭草花 葉如韭種類不一野無此花多植盆中

芙蓉花 一名萬壽菊又名草芙蓉

繡球花 叢生如球故名

水紅花 即剪花多生下濕地詩隰有遊龍即此今人園中多植之

蝴蝶花 莖葉似蘭草花如蝶翅

藍雀花 不種自出藍花如小雀張兩翼故名

狀元花 紫花單瓣甚鮮妍

江西臘 花似菊色亦不一枝頗搖曳

剪春羅 花比石竹稍大四圍參差如剪故名有紅白諸色秋季開者

藻 生水中俗呼雜草詩予以采藻卽此冬取食之名凍青菜

萍 浮生水面或曰楊花所化紫背者入藥

蓬 俗呼蓬子蒿爾雅謂之鬻彫蓬荐黍蓬

已 木類

松 縣內最多土人以結子者爲菓松無菓者爲杉松有脂者爲油松  
可爲建築橋梁房屋之材

赤白松 理細氣香浸水中成紅色尤能持久可以製棺木之貴者本  
境產額不多

黃蒿松 枝葉如蒿故名俗呼黃花松木質堅緻有黃色波紋中於殿

材亦可製棺木本境產額不多

柏 莖直而高經冬不彫本境極少柏葉柏子仁皆入藥

榆 種類不一皆美材一名刺榆詩唐風謂之樞中爲車軸一名花榆  
理細宜爲几案其癰腫處花紋尤勝可飾器用人多珍之又有小  
刺榆葉初生可食質細而堅

槐 有二種一名欒槐葉黑大一名守宮槐晝合夜開見爾雅疏其花  
可入藥子可染色

楊 有二種青楊葉大而圓質堅而直可爲箭筈白楊葉微小皮白一  
種生水際多合抱剝爲槽盈性不燥裂



柳 質粗性喜濕浸水中不易朽土人用爲棺槨柩椁之屬亦多用之  
柞 木質堅實中爲車材別種一名櫟亦名柎俗呼椴子樹實曰椴子  
蒂曰椴椀可染皂一名椴俗呼波羅樹葉大不結實土人取葉裹  
麩蒸食之謂之波羅葉餅又有青剛柞等名各種柞樹葉均可飼  
蠶本地燃料亦多用柞木

桑 遼東本無桑燕慕容廆通於晉求種江南始得之又有山桑謂之  
壓可飼蠶本境隨處可種惜土人尙不知提倡

椿 葉香可噉者爲香椿本境極少

樗 葉似椿而無香土人呼爲臭椿

櫟 葉大皮黑紋細微赤者爲紫櫟質白者曰糠櫟土人製箱櫃多用

之皮可製火槍繩

樺 皮有花紋紫黑色可製弓背又可爲箭筈木包紋極細作棹几面

良佳

楸 類核桃樹其木可爲槍桿及船槳

楝 俗呼粗榆赤者葉細中爲車軸白者葉圓木理堅緻其包亦中木

椀刀柄之用

棘 一名槭俗呼棗刺科子爲酸棗仁

杜 一名甘棠定子移結梨樹結實最佳

通化縣志

卷一 土地物產 一百三

奉天作新印刷局印

檉 河畔赤莖柳

煖木 即黃蘗木皮可墊鐙心包弓杷細者可爲鞭桿

茶條 質堅可爲杖葉可染皂

荊條 又名楚一種枝細可爲筐筥一種粗勁者名鐵荊條可爲包頭

楷 一名雉尾荊色赤中爲矢周時肅慎氏貢楷矢即此本縣頗多

山藤 枝柔韌中爲鞭桿

皂莢樹 刺長皮潤結角如豬牙者入藥

老鸛眼 一名鼠李木有花紋且堅緻子如鴉眼赤黑色皮可染色

明開夜合木 一名金銀柳結子如花至冬不彫木理細緻

附藥材

人參

五加科土當歸屬係多年生草本亦有栽培於園圃間者下種

至三年始着花實初年莖高三五寸生一椹五葉之掌狀複葉

二年二椹三年三椹每經一年則增一數至四五年時莖高二

尺餘根形略與人體相類頗肥大葉爲掌狀複葉類七葉樹但

由五小葉而成邊有小鉅齒秋日開花花小五瓣五類五加

花繖形花序至第三年即抽花軸作花果實初青熟則色赤扁

圓狀徑約一分五釐許灰白色即蕃植用之種子也此植物之

根爲東洋各國著名藥品能回復身體及神經之疲勞且有健

胃之效泰西醫家之說則云此根藥用上之價值全與甘草相同名見本草經又有「人漫」「黃參」「血參」「人銜」「鬼蓋」「神草」「土精」「地精」「海腴」「皺面還丹」等名本境在封禁時代山中盛產之士人多以開山爲業自設治後山林斫伐人烟稠密人參亦少間有以苗移植於園圃者曰棒捶園子種子者爲子參力皆薄今縣城南大小廟溝等處尙有參園境內藥商以參和糖爲方曰參糖暢銷各處頗著名

五味子

爾雅謂之葶藶遼東名產

白附子

金史地理志東京路遼陽府產白附子境內亦盛產之

車前子 詩謂之芣苢好生道旁葉布如輪俗呼車咕嚕菜

兔絲子 爾雅謂之唐蒙今豆田中多有生者

牛蒡子 一名惡頭菜可爲火絨

蛇牀子 爾雅謂之虺牀花似水芹子如蒔蘿

地膚子 卽掃帚菜根

萊菔子 卽蘿蔔菜子

蔑麻子 俗呼大麻子

蒼耳子 卽詩之卷耳一名藁耳

五加皮 五葉交加清酒最宜

通化

縣志

卷一 土地物產

一百五

奉天作新印刷局印

桑白皮 即桑樹根皮

沙蓨 即杏葉菜根

苦蓨 即野槐根

地骨皮 即枸杞根

益母草 詩謂之葑爾雅名芑蔚

桑寄生 山中之樹多有寄生惟桑之寄生可入藥

白茅根 茅針可潰癰瘡

老鸛嘴 蔓生枝間結角形如老鸛嘴能治風可染皂

郁李仁 郁李之子也

薏苡仁 即薏仁米

細辛 一名少辛管子五沃之土羣藥生少辛醫家以遼產最佳

黃精 服食上品初生苗可食名筆管菜

玉竹 似黃精苗即小筆管菜

芍藥 芍藥花之根分赤白二種

艾蒿 爾雅謂之冰臺能祛風療疾

百合 根如蒜有山丹捲丹二種皆可食並入藥

地丁 有紫花黃花二種

黃芩 山中產之有條芩枯芩二種



嗟乎登長白之高峯溯渾江之巨流馳騁乎鴨綠洪濤之中今日之局  
勢果如何耶撫今追昔亦足悲矣藁旣脫僭弁數語於簡端以稔世之

留心邊事者

通化縣志序

通化設治五十載從前爲中韓國界封禁之地邊臺看守限制人民樵牧重邊防也自清初至同治末季二百餘年人跡罕到安有歷史迨光緒建元之次歲盛京將軍崇實奏請開邊以旺清門東至鴨綠江爲我邑之區域與南之桓仁寬甸安東北之海龍同時而置縣初劃五十三保生聚教養闢草萊如闢鴻荒漸集十九萬民士農工商成都邑各成駿業嗣後兩遭水患損失孔多一次陷城逃亡大半幸流離還集之後人心猶能振作不數年舊業皆復戶口漸形增益土地亦多開墾忽奉令分治臨江長白輯安柳河新設四縣割我壤地三十一保去歲金川

桔梗 古名齊尼即明葉菜根

茴香 即小茴香子

篇蓄 俗呼豬茅草生道旁

香附 即莎草根

蒼朮 即鎗頭菜根

遠志 即詩之萸苗名小草

貫衆 葉圓碎一枝而衆貫之故名又名鳳尾草根入藥

荊芥 有二種圓穗者荊芥扁穗者假蘇到處叢生

皂莢 一名雞樹

薄荷 葉似桂而尖長香味不如南中所產者

柴胡 竹葉茶根

赤雹 禮月令孟夏王瓜生即此蔓生結果如小瓜色赤

茵陳 即萬年蒿牙因宿根而生故名

青蒿 俗呼萬年蒿

蘆根 澤中多產之

牽牛 即黑白丑

蒺藜 別名秦尖

木賊 即錯草

巨勝 即黑芝麻

蕪白 小根菜根

知母 即零當菜根

瞿麥 即石竹花子

菖蒲 香蒲之根一種曰節蒲

蒲黃 香蒲之茸

蒲公英 狀如金簪草花有紅白二色

土大黃 即楊鐵葉根

礦物

本縣環境皆山礦產豐富各種石類尤爲大宗苟經營有方未始不可獲利也第交通不便礦業人才缺乏資本有限又無機械以代人工是以開採多年成效未著貨棄於地良可惜也今欲力謀改良亟應羣策羣力共圖發展則地利闢而寶藏興矣茲將鑛區地點及鑛業成績表附後

一大廟溝砂金地

位置及交通

位置屬一區轄境出縣城南渡渾江約十二里即到此間有一稍峻小阪車行不易然稍加平治即可通行

## 沿革

此地初創之時有鑛務分局設官吏二人在此監督在紀元四十年前屬奉天鑛務總局其間有盛有衰收採約二十餘人有金把頭二名率之金量微故至今未能隆盛自民國十二年九月歸士紳劉文閣王壽山等招商股開採且購備機械產額頗豐

## 地質及鑛牀

此處附近巖石爲寒武利亞層最下部之白色粒狀硅巖非常之厚下部有白色結晶石灰巖之薄層夾雜硅巖之走向北十度西傾斜東北向三十度採金場谷幅二三百米突延長七八百米突鑛床在河床堆

積層中尙未成爲一定含金層

一小廟溝銀鑛地

位置及交通

在縣城東南渡渾江上小廟溝谷地二里許道路均平坦略爲施工通車甚便

沿革

據父老言紀元前三十年曾經開採規模不大廢棄之石塊尙散積各處但舊製煉所之跡存者甚少已埋沒於地中矣

地質及礦床



附近地質爲片麻巖之一部角閃花崗巖鑛床生於花崗巖基性部之裂罅其走向北七十五度東西北七十度幅員約二尺脈石爲石灰夾雜少許方解石鑛物爲圓亞鉛鑛黃鑛黃銅鑛方鉛鑛等之硫化鑛物銀則含於方鉛鑛內

一崗山二道溝金廠團汀子砂金地

### 位置及交通

在通化西南爲渾江右岸一小支流之谷地近通化桓仁大道去通化九十餘里去桓仁一百二十餘里此地近南崗山嶺其枝脉雖蔓延四方然谷地稍寬車行不難但附近村落不多物產亦不豐

沿革

本處與大廟溝金廠及報馬川金鑛（現劃歸輯安界）均爲有名之區  
清光緒二十五年始行開採翌年金額頗旺迨日俄之戰胡匪蠶起官  
兵無力保衛鑛務遂停止然其末年因主區採收已完僅得由淘過之  
金再淘採取

地質及鑛床

崗山二道溝之南北走爲富原江東山脈之縱谷端汀子及金廠於此  
東側平行爲直角形會於二道溝之小谷共長千餘米突幅員五六十  
米突含金層在地皮下五六尺然可見之層多混在砂礫之內

一六道江煤鑛

位置及交通

在通化東北沿渾江而上約三十餘里交通尙便利惟煤鑛西之坂路難於通車須紆道通過渾江可行筏運輸尙便

沿革

此地未詳何時發見當爲四道江鐵廠煤鑛開創之後遂沿及此處開採製造骸炭應地方土民之需用嗣因稅重利少遂停止現在地方紳商屢欲開採因限於貲財竟未得發展

地質及鑛床

附近之地質爲石炭紀砂巖黏板巖之上層在砂巖中只一層走向東西南北二十五度傾斜與山之傾斜略同一致於其露頭見非常厚層其實不過厚五六尺層中有薄層之夾雜物炭質爲無烟炭有半金屬光澤有鱗狀粉碎之性炭層之延長但連接舊坑之分布不出三百米突其實不止於此然其西被渾江之大谷切斷東方亦爲小谷所切不能計其露頭大約不過延長五六百米突

一城廠溝金產地及馬丹子溝金產地

### 位置及交通

在通化東北五十餘里渾江上流葦枝河下流域廠溝在林子頭村西

通化縣志

卷一 土地物產 一百一十一

奉天作新印刷局印

方約一里馬丹子溝在其下流與石人溝相會之處均在老嶺下交通極難

### 沿革

據土人言近處徧地皆砂金此二處十數年前採取頗盛其後久無人探其跡埋沒於灌木雜草之間只凹坑可認而已溯此原因緣設治之初胡匪蠶起無人敢採之故耳現在已劃歸臨江界

### 地質及鑛床

構成附近之巖石爲石炭紀下部之石灰巖走向從東北至西南此石灰巖在老嶺傾斜於西北在北方渾江沿岸傾斜於東南葦沙河當石

灰巖之向斜軸城廠溝在此河之灣曲處由河床堆積之埋積砂金於其凸側馬丹子溝沈澱於二谷之落合部兩處砂金層混淆花崗狀片麻巖及角閃片麻巖等之砂礫土人言上流葦河附近尚有砂金地數處由此推想砂金之根源遠在上流爲河流搬運堆積於凸側集合於落合然其範圍均不甚大垂直的分布於中流堆積層達於含金層亦不容易要之兩處砂金均爲一小局部而已

一 鐵廠煤鑛處

位置及交通

在通化東北渾江左岸與四道江相對近於大羅圈溝口從通化之交

通稍施工作便可通車

### 沿革

光緒十一年北京人畢治成始發見自行開採至十七年賣與海軍衙門爲衙門之事業使畢監督之至二十七年俄人逞勢俄將門達利托言爲匪人所有威逼其停止二十九年增祺將軍與俄國商務大臣苦爾夫訂約定明所有權後歸官辦接續開採派鑛務官吏陳廷森監督之現已歸商辦近年日本國人時來此地調查焉

### 地質及鑛床

一帶之地質與三岔子（現劃歸臨江界）等厚層石灰巖發達於鐵廠

之南三道溝附近此上有砂巖粉板巖之互層再上夾大小三炭層爲最下炭層上盤之凝灰質黏板巖埋藏極不完全之植物化石難於鑑定諸巖之走向爲東西傾斜五十度於北現今開採者爲其最下層厚大凡十尺許在此之北越山頂而北有中層之路出其北再隔小谷有上層之露頭雖均有試掘之跡層薄而炭質不良

一三道溝鐵鑛所

位置及交通

在通化東五十餘里去鐵廠南二里餘之地有從鐵廠往大羅圈溝谷地有平坦之途運輸便利



沿革

光緒元年通化城落成之時有通化人趙某始發見之用工七八名從事開採後歸官辦在總管指揮之下以產額不佳後遂停辦現在土人亦有採掘者

地質及鑛床

附近地質爲寒武利亞紀最上部之泥灰巖凝灰質頁巖及砂巖等鐵鑛牀在凝灰質頁巖與砂巖之中間走向爲東西向南傾斜五十五度此爲褐鐵鑛與兩盤接觸都染鑛於盤內下盤之粗粒砂巖因鐵鑛成膠結之鑛牀狀於坑內觀之有大小不同之褐鐵鑛塊散在各處無一

定之層大者直徑數米突小者甚小依此考之每底有成下盤之砂巖堆積間有溶解鐵分之溫泉湧出一時鐵鑛沈澱之後連續為凝灰質頁巖堆積故於下盤膠結砂巖之砂粒於上盤染鑛於頁巖鑛床塊狀係成層後地殼有變動攪亂分離露頭在山腹延長三十米突幅員四五米突炕中幅員無一定大處過十米突狹處數米突均至下部漸漸膨大然土人之採掘法實為雜亂究不能為精確之測定

附通化縣鑛業成績表

公司名稱	寶興德煤
鑛質	質
坐落區	道江嶺
域鑛商	劉文閣
工人數	八十餘人
開採時期	民國十年
資金	一萬八千元
採法	土法
年產額	十萬斤
銷路	餘元
餘利	餘元

同仁公司煤

民治三區楊木林子

六百六十畝

江存清

十餘人

民國十一年十一月

一萬元

土法

一百一十萬斤元一千六百

復泰公司煤

民治三區小羅圈溝棒極

百七十畝五分

陳炳泰

三十餘人

民國八年十月

一萬元

土法

百萬本縣出入相抵

永泰公司煤

民治三區大羅圈溝東台河西小北溝

二百七十畝四分

陳尙寶

六十餘人

民國十年十月

一萬元

土法

一百二十萬斤出入相抵

通興公司金

民治一區大廟溝

四百八十畝七分

王壽山

六十餘人

民國十二年九月

一萬元

機器

一千八百省城八千元

福增祥公司煤

民治三區干溝施瓦窰溝

八百一十畝

蕭大勛

四十餘人


民國十三年五月十日

一萬元

土法

一百萬本縣及東邊各縣


# 通化縣內境產畧界圖



圖例

	山脈
	河道
	縣界
	道路
	縣治
	要邑

尺例



通化縣初級中學第二級生封國珍敬繪

又割我東北四村疆域縮小治化較易則調查編輯亦較周詳現時民智之開通教育之普及市鎮之興盛警甲之設備在在胥關政治即在宜有記載文獻無徵何以昭後世喻來茲知事李公東垣奉飭修志

聘李君曉峯爲編查館長又聘徐君冠唐孟君伯蓀宮君憲斌與

芳齡

共同編輯芳齡辭不獲已祇得以老荒附驥幸前任潘公茂蓀督修鄉

土誌芳齡曾侍筆硯間聊窺一斑知其美善惟文明進步一日千里今

昔滄桑俯仰之間已爲陳迹不得不踵事增華周諮博採纂一邑事僅爲一邑之信史毫無史才史筆不過剽竊史之榜樣以志吾邑之概略

掛漏遺譏知所唯歷述顛末即以之爲序

緯宸邵芳齡序

通化縣志序

書叙九州詩陳列國方輿詳紀山川貨殖兼稽俗尙輿志之編由來尙矣我通地處東陲開闢未久志乘向付闕如自民元改建宜興潘公茂蓀來守斯土公餘之暇糾耆舊訪佚聞程土宜辨封域著鄉土志略二卷未及付梓公卒于官遺稿散佚不全吾鄉耆舊引以爲憾焉客秋省憲通飭修志監督李公東垣乃率僚屬士紳踵事增華續而成之未及八月斐然成帙恩適由臨溟權務歸來得讀新稿深幸秉筆諸公均能仰承潘公遺意訪聞周至記載翔實吾鄉文獻賴以足徵也丁卯春縣農會會長改選樛櫟如恩謬膺會務孟夏旣望館長李公曉峯以縣志

將付手民凡爲團體領袖例應有序因亦徵序于恩嗚呼以恩之謏陋  
奚足以光志乘然生於斯食於斯聚家族於斯者已數十年桑梓誼重  
雖欲無言得乎今夫通化之爲邦北倚龍崗南俯佟江東望老嶺西跨  
康刪氣脈深厚人民樸誠蓋東邊最上之農產區也往者風氣半開墨  
守舊法人多舍本而逐末今者新制漸明大利所歸人爭趨焉幸而茲  
志內容尤能詳列物產特重農作凡表式論列不主故常均徵適用邦  
人士果能資以考驗將見農學倡明農業發達不及十年富甲全省矣  
然則此志也饗我農界多矣豈如温大雅之記王業徒諛定文畢仲衍  
之祀汾陰僅傳名義也哉是爲序

農會會長趙鴻恩謹序

## 通化縣志序

國之有史所以載歷代興亡之迹帝王將相之賢否其善可以爲法其惡可以爲戒維持名教於無窮者也縣之有志所以記一邑之地理山川風俗物產人民政治以至於志士仁人孝子賢孫流風善政上可以別理亂下可以正文化鼓勵民氣於百世者也其名雖殊其義則一也竊查我通地處奉省東陲本朝鮮之舊壤爲李唐太宗所開拓者祇以鞭長莫及歷代廢棄及前清末葉諭令人民自由開墾由是接踵而來者不乏人矣迨至光緒初年人烟日形稠密始設治而立縣迄今五十餘年之間文化之盛風俗之美物產之饒人情之淳樸莫不蒸蒸日上



儼有太古之遺風焉前經縣長潘公蒞任茲土勵經圖治闢草萊除荊棘懋遷有無商賈於是乎雲集振興教育人才於是乎蔚起誠東陲之巨鎮實潘公熱心訓誨之力也潘公又於政事餘暇招集文學之士相與考其山川宣其教化訪查其習尚分門別類纂輯成帙名之曰鄉土志是即通化縣志之所由始也但爾時草昧初開規模未宏體制雖云粗具而不能無闕遺掛漏之憾也肇自民國十有五年歲次丙寅縣長李公來守是邦政簡刑清素存潘公之志而未逮適奉省令各縣一體編修縣志李公奉令之後積極進行乃開設編輯館分委調查員凡一邑之事詳略畢具巨細靡遺六閱月而厥功告成是書既著其於風俗

山川人情物理足資考證者寓勸懲於簡編別褒貶於記載直與史冊  
爭光矣我通之人於二公之德有不崇尚馨香祝禱者哉余學淺才疏  
部附纂修之末因不揣固鄙聊備俚詞以記其梗概焉

通化縣商務會長戰慶吉



通化縣志序

通化爲古樂浪三韓地層巒絕巘榛狃人稀儼爲我東省防邊之保障而萬不可或斬者晚清光緒庚辰奉督崇綺奏請開邊設縣乃藩籬盡撤焉本縣幅員遼濶延袤若干里東至長白之東麓地近圖門界連朝鮮僅隔鴨江衣帶而一葦航韓西至崗山西之分水嶺與興京接壤南至今輯安之新開河與桓仁接壤北至柳河北之伊統河與海龍接壤內規生聚教養四路路分五十三保崗嶺紛披森林葱蔚諸鑛皆備五穀咸宜而宰斯邑者咸有鞭長莫及照顧難週之嘆然彼時民風樸厚熙熙皞皞雞犬無驚不恃官威亦無兵賊不辨之擾居然世外桃源也

迨至清末劃縣爲五（一）長白（二）臨江（三）輯安（四）柳河（五）本縣縣區由此縮小僅餘三一而弱究其面積內屬二十一保有半耳乃人民日繁商業日盛民風亦漸開通今之視昔大相懸殊縣城襟江枕山地勢雄壯水陸交通亦稱便利實爲東邊道轄之鉅鎮也宜興潘公茂蓀曾令斯土覩夫山川風景禮教民俗頗有可採以作輜軒之備者遂慨然以編修縣志爲已任功未成而公去職論者惜之乙丑冬李東垣大令攝篆於斯每於公餘之暇輒盥誦潘公遺墨大有班昭續史當仁不讓之心當斯時也省令催編縣志爰集耆彥碩士共襄善舉或主編輯或任采訪李東垣縣長任督修李君曉峯與邵君偉宸任總纂宮

君憲斌徐君冠堂孟君伯蓀任協修文質彬彬才皆稱職古也駑材濫竽教育素于撰述毫無片長祇可磨墨研硃供諸君之牛馬走耳今六閱月而縣志告成行將付梓都總目爲四卷分目爲四十一類其於疆域之沿革山川之險要城池之建置土質之肥瘠物產之豐嗇政治之變遷風俗之薄厚地方之治亂教育之盛衰人文之優劣言之頗詳雖無史乘之可考要不外乎實蹟之蒐求本縣志之編輯重意於實事求是非昭昭在人耳目者不錄用垂後世以昭永遠不特文獻足徵且可作後人之借鑑云爾故濡筆而爲之序

中華民國十六年五月九日通化教育所長高品古謹撰



通化縣志序

縣之有志所以記地域之版圖詳山川之形勝表忠節稽人文甚盛事也我國爲千萬年古國其禮教風俗名人學士甲於全球以故歷世相傳國有史家有乘翼翼葉葉遂至今而勿替通化自兩漢迄唐宋特立一部不隸中國版籍者千百年於茲矣清光緒間設縣治因思遼東半島本清室發源之疆圉長白山居通邑之東偏一帶山脈曲折繞通境蜿蜒而若斷焉若續焉不謂爲天地之靈秀當不其然惟縣志一書前者闕焉無考今東垣李公曉峯李公以志書爲闔邑人民之公史稽文獻考風化胥於此卜之不辭勞悴督輯是役秀與諸同寅亦後先奉



命職平亭此邦適縣志竣事 兩公約予述數語於簡而奉天第一高

等審檢分廳值成立於本年七月一日不謂之有天遇存其間使秀與

兩公得以樂觀厥成庶幾乎曠覽通邑山水秀麗地土腴美人民勤

樸政教風俗蒸蒸日上則此志之成亦秀等相從於父老昆仲間

與 兩公俱有榮施焉秀不敏爰記數言以爲祝

詞曰

志乘一成 萬化同春

仁人義士 綿綿以生

家喻戶曉 四境安寧

千秋萬歲

金石俱存

時

中華民國十有六年季夏吉日

奉天第一高等審判分廳監督推事浙江新昌楊廷秀拜撰



通化縣志序

志之爲言記也記其事記其地記其人記其風俗沿革與夫禮儀藝文所以備掌故示來茲也我國縣治不下千餘各縣莫不有志良以一邑之大其忠孝節義之足以矜式嘉言懿行之堪爲坊表者代不乏人不一事若無志以紀之烏足信今而傳後是則縣志之不可缺其較然矣通化地居奉省邊陲界與朝鮮接壤東跨龍岡之脉西連烏島之峯羣山聳秀以連綿渾江抱城而環繞人心醇樸儼若太初物產豐饒甲於他邑豈非邊遠之名區繁盛之勝地乎祇以設治未久縣志尙付闕如此固地方官之責抑亦都人士所憂也 李公東垣來宰是邑於茲

二年矣善政纍纍不可枚數而於纂修縣志一舉不惜委曲煩瑣以要其成亦實心任事之一端矣惟事關創始採訪困難既無遺編可考又無旁證可參非得學識淵深經驗宏富者秉筆而綜其任將擇焉弗精語焉弗詳欲其綱舉目張不濫不遺不綦難乎邑紳 李曉峯先生以

蓋世之名儒應 李東垣縣長之請出而担任纂修通化縣志事宜網

羅舊聞哀輯成書崇雅黜浮踵華增美其紀載既極精詳其功效未可限量是故志前官之循良而後之宰斯邑者可觀焉志先賢之懿範而後之聞其風者可勉焉志武夫烈士之捐軀報國而後之殺身成仁舍

生取義者可興焉志鄉曲婦女之亮節貞操而後之守身如玉從一而

終者可效焉他如志學校以明教化也志田畝以定賦役也志秩官以昭職守也志選舉以表人文也今昔畢賅洪纖悉舉行見士食舊德農股先疇講讓型仁同風一道是則牧民者之所厚期而亦修是書者之所深幸歟

模以民國十五年丙寅五月一日奉令開辦通化地方檢察廳越明年七月一日改組奉天第一高等檢察分廳其借助於通邑官紳諸公者頗多竊心感焉茲值通化縣志告成 東垣 曉峯兩公囑

模叙述數語以備採擇 模因欽 兩公之徵文考獻功垂不朽并欣其虛懷若谷下逮芻蕘也乃忘其陋而序之

奉天第一高等檢察分廳監督檢察官湖北黃陂汪良模序



## 通化縣志序

古者國有史家有乘舉凡已往現在之事物其有足述者則擇錄之播之當時垂之後世非僅以供傳述已也蓋前事者後事之師殷因於夏禮周鑒於二代因革損益致治以隆故載志之功用絕大而甚偉也我奉省東邊各縣以通化爲先進名區人文之進化當於斯邑瞻之物質之文明當於斯邑考之政治之沿革風俗之興廢胥將於斯邑諏詢而採訪之苟無載志文獻何徵則通化縣志之關係在今日不亦絕大而甚偉歟同鄉李東垣先生宰斯邑有見及此乃毅然提倡編修縣志設編查館聘邑紳李君曉峯爲館長董其事此君辦學多年學問淵深經



驗宏富對此事早已生花於筆成竹在胸故裘葛甫易而稿本即成快  
讀全編則見其凡關於文物政治風土禮俗有足錄者無不備載規模  
宏遠綱舉目張體格嚴整圖表燦然洵佳作也斯邑人讀此可開來而  
繼往他邑人讀此當見善而思齊值茲國內擾攘四海鼎沸之秋使外  
人得此亦足以見我國文教廣被雖以邊遠而不遺文化競進不因時  
變而或阻是豈止一邑之榮亦邦家之光也此志告成東垣之政治動  
名於焉永著曉峯之文學事業隨之不朽焉鄙人職司權務遊此將及  
七稔閒嘗探訪政俗藉廣見聞雖口耳不無所得猶以未獲實錄爲憾  
異日此志刊成惠我一編俾作家藏得書一卷勝於置產千金竊幸此

遊之不虛矣是爲序

中華民國十六年七月

日

鐵嶺王如山序於通化差次



通 化 縣 知 事

奉天法政專門學校法律科畢業



奉天省第二屆甄用高等文官

李 春 雨 肖 相

# 通化縣志編查館長

一等教育獎章三等義賑獎章歷充教育會會長勸學所



所長教育公所所長等職奉天兩級師範學堂本科畢業



# 通化縣志編查館全體職位之表

陳樹勳

潘殿陞

李郁文

馬秉信

張興業

孟慶芳

婁殿臣

趙步瀛

王國翰

張九卿

宮潤章

許東利

戰慶吉

江存清

李鎮華

李春雨

邵芳齡

宋竹筠

高品古

通化縣縣志

例言

一本邑設治較晚志乘未遑文獻無徵清宣統二年宜興潘公茂蓀權縣篆始召鄉人士各輯所聞編纂鄉土志二卷未及蕝事而潘公以勞瘁卒於官吾鄉士紳殊以此書未得於內省各志相頡頏爲憾

鎮

華早擬蒐集遺稿從事增訂惜三餘無暇有志未逮居嘗引以爲恨

丙寅秋銀州李公東垣攝篆斯土於政通人和之暇奉令督修聘

鎮

華總其成受事以來時用競競緣與諸名宿邵君緯宸徐君冠堂宮

君憲斌孟君伯蓀共同編纂咸以原稿限於篇幅紀載從略加以原



書體例表列亦多缺漏乃改採志體事貴翔實復將舊志所無增入  
祠宇區村官署實業城市藝文等門類以符志書體例

一志乘一書門類紛繁若無統系則蕪糅不清然過事簡單則名實不

正茲編先本立國之要素曰土地曰人民曰主權三旨故首志疆域

次志建置次志山川次志經緯次志城市次志廟宇次志古蹟次志

交通次志田賦志物產所以尊土地也再次志官署志司法志警察

志教育志人物志名宦志政績志風俗志文藝志實業志宗教所以

重人民也再次志兵事志僑民志交通志險隘所以重主權也計共

編四卷分四十二類俾閱者一目了然

一山川疆域今昔互異本邑在昔爲封禁地山脈河流古蹟從未詳載茲將調查所及詳加增補以符名實

一建置沿革考據務宜確實茲編所載歷代建置沿革悉本盛京通志方輿紀要諸書可據者從之無據者闕之所以昭慎重也

一道徑方圓氣候寒燠晝夜長短雨澤多少均於人事地利有密切之關係故茲編概從實在

一人烟旣多交易自應便利故城市亦與經濟流通物產供給有密切之關係茲編亦確實調查

一廟宇古蹟所以存古代之實蹟而昭後人之觀感也茲編亦從實錄

文辭按通化設治於前清末季墾闢蕪萊庶事草創迨民國改建始爲完邑物用既饒民獻亦修舉凡田廬芻牧之數禮俗文化之紀駸駸乎日新月異於前宜以要最著於官書使守土者辨肥瘠而布其利察奢儉以制其俗且以待司省政者考驗社會之進步以通人地之所宜而彙進之謀國者以備一道同風時斟酌損益之甄採非第空文而已李君之勤烏可沒哉况值艱難兀臬之時而不廢考墜訂遺之雅固僻在偏偶民情樸厚使然顧李君之度抑何其好整以暇哉脫非政通人和何以得此嗚呼可以風矣至於蒐輯之翔實體例之嚴正叙述之淵雅編訂之完密予雖未窺見一斑而以李君綱舉目張有條不紊之治績

推之知必有以歷士夫之望也他日殺青既竟予當先覩以爲快云

中華民國十有六年四月東邊道道尹盤山邴克莊敬如甫序於行政

官解

一水性使人通山性使人塞故交通與民風土俗有轉移之力茲編亦事詳載

一禹貢所載首重九州蓋土地生產所以養民民無食則無以爲生此田賦所以不可不詳載也

一總總之林人自爲生不能自生之而自教之欲求保民宜重設官此官署所以不可不志也

一聯絡互助之精神保護守望之能力清鄉保甲勦匪捕盜其功甚偉故志警甲

一棧樸作人詠諸詩歌養正訓蒙詳之周易蓋教育爲進化之源亦文

明之母也故志教育

一人事代謝世運滄桑欲繼往開來守先待後則名宦鄉紳慈善忠勇賢孝節烈之懿行自不可不備載以矜式來裔故志人物

一地處邊陲民風樸厚然世家大族自古綦尠五方雜處恐異於古昔惟正本清源之計首宜端其趨向故志風俗

一藝文有志昉於漢書歷代史家因之本縣興學垂五六十年不無著作之士因採錄文藝詩詞若干首分別編入俾後之覽者考文運之盛衰而徵世運之隆替也

一物產實業人民生計攸關本邑山林崇茂川澤原隰五金之富甲於

各縣倘能擴充定增國稅茲特澈底調查以見地利之厚用志物產  
一宗教勢力足以感化人心非異端左道可比茲編於釋道耶回諸教  
區分派別所以見宗教之盛衰俾人民知所信仰

一粵稽古時用兵多在邊徼矧在唐時東勤征討洎乎有清西入衝要  
漢晉以上文獻無考從曹魏起志兵事考

一海通以來門戶洞開臥榻之旁已容他人鼾睡因志僑民俾國際邦  
交之不可不講而土地主權尤不可不厝意也

一本編由民國十五年八月開始編纂至民國十六年二月底止脫稿  
時閱六月而告成同人才識短淺聞見未周魯魚亥豕之譏知所不

免後之君子倘矜其仰屋之勤俾免於覆甌之嘆則同人不敏榮幸  
多矣丁卯花朝曉峯李鎮華弁言





編查縣志人名錄

監修

通化縣知事 李春雨

督修

通化縣志編查館館長 李鎮華

編輯員

通化縣地方公款處主任 邵芳齡

通化縣初級中學校兼師範講習科校長 宮潤章

通化縣初級中學校兼師範講習科教務主任 孟慶芳

通化縣初級中學校兼師範講習科教員 徐潤章

調查員

通化縣清鄉幫審員兼代第一科科长 許東昶

通化縣第二科科长 李郁文

通化縣警察所長兼保甲所長 江存清

通化縣教育公所所長 高品古

通化縣農會會長 宋竹筠

通化縣商會會長 戰慶吉

通化縣第一區長 陳樹勳

通化縣第二區長 潘殿陞

通化縣第三區長 馬秉信

通化縣第四區長 趙步瀛

通化縣第五區長 王國翰

通化縣第六區長 婁殿臣

通化縣第七區長 張興業

通化縣第八區長 張九卿

膳錄員

通化縣初級中學校庶務 丁福甲

通化縣志

人名錄

二

奉天作新印刷局印

通化縣初級中學校學生 王國華

通化縣行政公署僱員 高喜久

繪圖員

通化縣慈善會立小學校教員 金啟明

通化縣初級中學校學生 封國玲

通化縣志目錄

土地志卷一

通化縣全圖

通化市街圖


通化縣署平面圖

建置

疆域

經緯

城市



山川

險隘

祠宇

古蹟

名勝

田賦

物產

人民志卷二

耆舊

科舉

學校

鄉宦

鄉賢

鄉紳

義勇

節烈

孝友

公益



方技

流寓

自治

戶口

兵事

風俗

宗教

慈善

僑民

政事志卷三

官署

教育

警甲

實業

交通

區村

公款

政蹟

名宦

藝文志卷四


文藝

詩歌

通化縣志卷一

土地總序

國於圓輿之上必有與立所立唯何曰土地人民政事是



矣而無土地則人民無所居有政事矣而無土地則政事無所施此土地所以較人民政事爲尤要也一國然一省然一縣亦然我通自設治後幅幘至爲廣大山則蜿蜒綿亙水則環繞清漪地蘊五金之富閭饒蓋藏之積洵天府之雄邦也惟以山嶺阻隔人烟稀稍業農者對於地利多不事研求故水則一望汪洋旱則禾苗枯槁致大好良田貨棄於地至足惜也爲今之計欲厚民生首宜盡地利欲盡地利宜本諸天然

之經緯而曲盡人事之防範則水患天災自可蠲除並宜廣事開採濬  
疏水利以廣人民之供給而豐物產之產額本山川之幽美壯美以發  
揮愛國之雄心而擴張英雄之浩志則有土有財固不難與先進各縣  
相頡頏也有民物之責者得吾說而惴惴施行之數十年後萬有一收  
富強之效乎非所逆睹矣故志土地首叙建置次叙疆域再次叙經緯  
再次叙城市再次叙山川再次叙險隘再次叙祠宇再次叙古蹟再次  
叙名勝再次叙田賦再次叙物產計分十一門都爲一卷

建置志

滄桑變幻朝市改易雖在名區亦莫不然此溯古證今之所以難也通化小縣僻處山陬設治迄今纔五六十年廢興沿革往籍多未經載筆且志乘失修文獻無徵溯其由來用相證印抑又難也孔子曰吾猶及史之闕文也茲遵斯意自有周以還稽諸盛京通志臚列歷代之建置備載今昔之異同其不可考者闕以志疑焉

周 肅慎氏地

秦 同

漢 挹婁地（挹婁即肅慎）

通化縣志

卷一 土地建置

二

奉天作新印刷局印



通化縣志序

新紀元十有四年九月余攬轡東來任本縣第一科科長職是年十二月二號前任袁公以疾卒於官時值郭軍倒戈人心洶洶城內刁斗一夜數驚適省憲令春雨護理知事余乃安民戢盜寢寐不安今則屈指年餘幸與地方父老得慶更生而父老亦樂安余之拙也居嘗與地方紳耆訪舊事徵遺聞深以縣志闕如爲憾嗣於接管卷檔中得潘再前任茂蓀公通化縣志遺稿若干篇盥讀之餘知公吉光片羽已先得我心獨於體制詳於表而略於志非公之智有所不逮也修史之難莫難於志其勢不能以兩得也案牘之暇擬與教育所長李曉峯公欸主任



晉 挹婁地

南北朝 勿吉地

唐 屬渤海後改屬定理府查渤海設屬有如僑置往往移民他處仍用前居地名最難考證似宜以定理府爲準

五代 屬契丹東平郡

宋 屬完顏婆速府路與舍音水接壤舍音水今吉林省濛江縣境

明 屬建州衛初屬瓦爾喀部邵陽魏源云瓦爾喀江入鴨綠江兩岸皆其部落以地望考之今通化桓仁輯安悉瓦爾喀境也後設建

州衛統於都司奴兒干縣境屬赫圖阿拉即建州衛

清 屬興京府劃旺清門東爲邊縣境始居邊外東至長白山悉封禁  
地興京府今改爲興京縣

光緒三年 設治縣城西南十五里大廟溝金卯滋事稱以金匪令

提督左寶貴平之以升任奉天都督張錫鑾爲設治委

員後補實缺

光緒四年 修城在佟佳江頭道江北岸南曰文明門東曰延和門

西曰寶成門北不開門越五年落成是年並修縣署典

史署巡防營捕盜營縣署居縣城中心點典史署在縣

署西巡防營在南江沿捕盜營在典史署之西

光緒十二年 修壩濠十一年江水氾濫入城縣署淹沒東西南三面修壩濠以障之

光緒十五年 重修壩濠前修壩濠距江稍近江南岸石崖壁立江

水東來石柵子水又南入江水勢既湍急且稍曲流

至崖下爲石阻回是年夏雨大行冲倒東南壩濠倒

灌入城城外東南隅街市商舖悉被冲沒縣署宿舍

二十餘間亦一律傾倒改修時範圍縮小距江較遠

江底亦爲水淘刷日深三十餘年遂無水患

光緒廿九年 分設長白臨江輯安柳河四縣東劃滋生榮生德生

洪生四保爲臨江縣又東劃慶生長生二保爲長白

縣南劃永聚民聚同聚東咸聚西咸聚五保爲輯安

縣北劃宏養恩養惠養頤養安養和養愛養直養涵

養純養息養休養善養撫養存養育養培養興養引

養蒙養二十保爲柳河縣縣治初設東至二十三道

溝今劃歸長白縣西至富爾江與興京縣交界南至新開河與桓仁縣交界北

至柳樹河與海龍縣交界東南至珠魯木克善峯與桓仁縣交界今劃歸柳河縣

東北至分水嶺與吉林省濛江縣交界西南至南康刪嶺與桓仁縣交界

西北至富爾江掌與興京縣交界縱橫三千餘里分設五十二

保自劃分後東至五道江嶺與臨江縣交界西至富爾江仍南

至葦沙河崗與輯安縣交界北至分水嶺與柳河縣交界東南至珠魯木

克善峯山系長故東南至尙至此峰東北至分水嶺仍舊西南至南康刪

嶺仍舊西北至富爾江掌仍舊縱橫一千二百餘里分設

二十二保

光緒卅四年 修監獄在典史署西是年並修監獄工場在縣公署

西南

宣統二年 添修高等小學校在縣署西光緒八年在此設立義學

後改爲兩等學校屋小地狹不敷應用茅舍草房均將

傾倒因將節存學款一律改修瓦房並在後院添購民地擴修瓦房

宣統三年 修各鄉自治公所警察區所同一院落是年並修鄉立

各國民學校款由地方捐集

中華民國 仍舊治

元年 修平康里款借積穀存項歲入房租先儘積穀收回本利償清後作爲警款並修本城積穀倉在西門內共四倉每倉可積穀二百石

二年 修縣署辦公室純以舊料選用工則以監獄工場藝犯及拘

留室苦力充之修西壩橋在西門外並修本城街道

三年 修東長橋在東門外修西興橋在西門外修警察所捕盜營

裁撤後原有草房改駐巡警馬隊因在前院添修瓦房五間  
將警所移入並修各鄉大道以後逐年修理

四年 修理監獄工廠年久滲漏設法修補四圍繚以土垣並因印  
刷科添鉛石印在前院增修瓦屋二間作售品處

五年 添修本城積穀倉二倉共六倉修各鄉積穀倉每鄉二倉附  
警區院內改編保衛團以預警改組修保衛團辦事處就典  
史署修理與第一團合居設快當茂街商民十數家被火焚

淨以其距城四十五里爲晉省及赴安東要道因闢爲街市  
商賈輻輳居然成鎮修各鄉小道修嘉禾橋在快當茂子修  
採木公司分局光緒三十四年開辦租賃東門外民宅至是  
在南江沿建修

六年 修女子學校在女校胡同修城立第一國民學校購民間舊  
屋十間修理一新校在西門內路南修城立第二國民學校  
在東江沿廟地充公日本設領事分館在東門外大街租賃  
由寶臣房屋修各鄉大道小道

七年 修縣立中學校在署東本年開始建築尙未竣工



修警察一區所在東門裡路南瓦房五間又修鎮江樓上下各五間下駐警察駐所以扼江道進街之咽喉又修忠烈祠正房及東西廂各三間於玉皇山坡所有縣境因公陣亡警甲陸軍等官長兵士均設牌位於內以表忠烈而慰靈魂又修公園瓦房共九間於玉皇山頂以作遊賞娛樂之場

八年 修警察所於署西院舊典史署所居之保衛團辦事處及第一團房間均行拆毀

九年 修農務會於城西門裡路北瓦房七間並修保甲一區二所瓦房七間

十年 修理警察馬隊前院瓦房五間安設電話局

十一年 改修屠獸場於西關原永善堂捐助空地內瓦房共五間

一所三間屠宰豬一所兩間屠宰牛羊又改修救貧所房

兩間在屠豬場西隔壁

十二年 修八區區公所又重翻修縣署各科房間

十三年 修教養工廠於縣署後院西邊瓦房十六間

十四年 修炮台四個在城街扼要處

十五年 修補後城牆又將西壩橋改修石橋又改修教養工廠及

縣立第一小學教育會門牆

十六年 修理文明門之城樓建築玉皇山炮台添設苗圃

疆域志

縣治初設東至長白西抵興京南跨輯安北包柳河縱橫蓋九百餘里  
自光緒二十九年長臨輯柳劃分後東至五道江嶺西至富爾江岸南  
至葦沙河崗北至分水嶺巔絕長補短猶方百里也去年春省令劃大  
荒溝迤北併於金川東北一隅稍形見蹙然比較內省縣分尙三四倍  
之三代封建大國何以遠過於茲夫以如此之幅員賢有司蒞而治之  
不足施其展布哉謹將現轄疆域縱橫四至表列於左

附表

名

稱

里

數

備

考

面積

二八一二五  
方里

縱

九八

橫

一九二

東至臨江縣

七〇

西至興京縣

一二二

南至輯安縣

三五

北至柳河縣

六三

東南至輯安縣

一三五

東北至金川縣

一二〇

西南至桓仁縣

一二五

西北至柳河縣

一六一

通志卷之六

卷之六



經緯志

昔伏羲仰觀天文俯察地理衍爲六十四卦而天人之道備矣是以烏火虛昴虞書推歲序之經北斗南箕周雅定方位之準自來通天地人謂之儒豈有箕風畢雨不識其性情丹曦素魄不識其躔次者哉此唐虞所以有羲和之命歷代所以有太史之官也今則寰海一家輿地學說較前尤宜精確良以天時寒燠四季變遷里徑方圓晝夜長短與自自然界有直接之關係即與人事上有間接之影響故宜考自然界之常軌以爲人文之準備並宜斟酌天時而神其運用此經緯之所以不可忽也爰志經緯



方位

考本縣縣境分野在箕尾之間析木之次今以地球經緯度考之（以北京天文臺爲中經線）縣城居東經九度四十六分東起東經十度十五分西抵東經九度十分以緯度考之縣城居北緯四十一度三十六分南起北緯四十一度十分北抵北緯四十二度五分以世界經度計之縣城居東經一百二十六度三分東至極東一百二十六度三十二分西至極西一百二十五度二十七分

## 氣候

全境氣候無甚差別寒暑進退亦無急劇之變易以華氏表驗之每歲  
立春後由十七八度至三十六七度春分後由三十七八度至五十四  
五度立夏後由五十六七度至七十度夏至後由七十二三度至九十  
度立秋後由七十六七度至五十四五度秋分後由五十三四度至三  
十一二度立冬後由三十度至十度或七八度不等然炎夏最溫度不  
過九十一二度嚴冬最低溫度至冰點下十度爲止每歲八月降霜九  
十月間降雪水始結冰至十一月河水堅結翌歲二月中雪止河冰皆  
泮由三月至五月頃覺春暖五月迄七月中暑氣盛七月半至九月杪

爲秋冷十月至來歲二月爲嚴冬寒氣盛時百五十日春夏秋三季皆  
不過六七十日夏日多南風來自熱帶故天氣極熱冬日多北風來自  
北冰洋故天氣極寒縣城初設之時森林茂密人烟稀少故天令較寒  
近十餘年來肆市櫛比人烟稠密天氣較奉天省城無甚差別

晷刻

縣境晝夜時刻冬至日出辰初二刻一分有奇日入申正一刻十三分有奇晝長八小時三刻十二分有奇夜長十五小時零二分有奇夏至日出寅正一刻十三分有奇春秋分日出卯正初刻日入酉正初刻晝夜各六小時但地球南北四時不同本境緯度視北京約北偏二度有奇節氣較北京(天文臺所定曆書)恒晚二日地球東西晝夜不同本境經度視北京約東偏六度有奇故晝夜較北京恒早二十五六分(按每晝夜二十四小時每小時六十分統計一千四百四十分以地球三百六十度平均每四分鐘約行一度)至全境雨量以四時考查之

邵緯宸提議哀集而增修之以竟潘公未竟之志惜公務牽掣而未果  
會客秋奉省令有修縣志之舉爰設縣志編查館於縣中學校址延李  
君曉峯董其成邵君緯宸長編緝並延聘宿儒徐君冠堂宮君憲斌孟  
君伯蓀爲編輯員函聘警學兩所長農商兩會長暨八區區長本署兩  
科長都十四員分任調查余担任籌款任人之責而於茲編內容未嘗  
著筆幸自紀元十五年八月開始編纂迄十六年二月而蕝事自惟庸  
愚乃得觀厥成不可謂非幸事也至茲編內容關於疆域沿革人事變  
遷暨山脈河流橋樑道路警甲商學農工市政實業交通風俗人情一  
一備載所以鑒前事之不忘思繼起之有功也並繪縣境城市之圖撮

山川名勝之影所以壯山河之氣而鍾人文之靈也與事諸君煞費苦心成此巨製其愛桑梓之忱俱於此編見之愧余謏陋不能爲文以發皇光大之茲述本編始末於弁首以爲他年雪泥鴻爪之紀念云爾

知通化縣事銀州李春雨東垣甫識

春季爲一六一點九夏季爲四二零點零秋季爲五六點九冬季爲一

七二點零云

## 城市志

今夫入其境則村落零星懋遷無所是其地之市政不興可知也過其邑則街道傾欹糞穢狼藉是其邑之市政不修可知也嗟夫市政之不可不興也如是夫故東鄰日本首重町村之制先進英美亦尙市鎮諸規我國日中爲市以其所有易其所無爲市政之濫觴迨生齒日繁人烟稠密則始有鄉黨里州之建置焉及區域益多人羣愈衆於是有省府州縣之區分焉故城市者人民之淵藪國家之根本也未有城市不治而人民能富裕國家能盛強者亦未有城市整飭而閭閻鮮蓋藏國家反罷頓者今者省政當軸鑒彼東西銳意規劃故各縣亦奉令施行



我通設治之時城垣周圍雖狹但街道宏敞市肆整飭自奉令後區劃  
市場指定各行而交易稱便各區鄉鎮亦遵而行之將來市政成績定  
不在他縣下尙望邦人慎其勉旃因志城市

## 城市

縣城建於清光緒四年瀕佟佳江北岸全城萬山深鎖一水中分風景之勝爲東土冠城垣以磚石爲之濶約丈許雉堞參差周圍四里許共闢三門南曰文明門東曰晏和門西曰寶成門北不開門城內居民及商賈甚夥惟衙署在焉縣署警察所教育公所教育會縣立第一小學校縣立初級中學校及農務會第一區區公所電話局第一區保甲駐在所均在城內路北第一區警察分駐所及教養工廠通化電報局均在城內路南南門裡一帶居民頗多東門外街市寬濶道路清潔商賈櫛比貿易繁盛數年前商家肆市尙因陋就簡年來運輸糧石均獲厚

利故改建門臉建築樓房者業有數家由晏和門至通衢約半里許成丁字形由通衢之南端至東昌橋爲東大街商業亦盛由文明門迤南爲南關商業以糧棧油坊爲多出寶成門迤西爲平康里枇杷門巷車馬喧闐終日遊人絡繹焉

南市場 在南壩壕外長約半里許零星小販麇集其處均以木板爲肆營業以販賣豬牛肉及魚類蔬菜爲大宗

北市場 在北城牆根亦約長半里許營業以豬牛肉蔬菜爲多

東市場 在東壩壕外長約一里許中以大道爲分界限路北爲牛馬市路南爲菜行營業以販賣豬牛肉鮮貨菓品及蔬菜等爲多

西市場 在平康里迤西地係曠場北爲梨園西爲說書賣藝所每當農忙之時工人均麤集其處故稱工夫市（俗呼窮漢市）零星攤床雖有幾家但不甚熱鬧惟當盛暑之時作冰糕冰水營業者頗獲厚利云

集市 城內外居民曩遵古者日中爲市以其所有易其所無故慣例向有集市之舉每逢舊歷初三十三二十三則集在東昌橋前謙泰潤燒鍋門首每逢舊歷初六十六二十六則集在東門外每逢舊歷初九十九二十九則集在南門外遇集市之日百貨雜陳四民肩摩踵接頗爲熱鬧云

戶口 城內外共有居民三千七百餘戶回民約六十餘家商家四百餘戶

井泉 城內井泉五眼南關九眼北關十二眼東關十眼西關八眼共計井泉四十四眼近來城關殷實商民多有在院內掘井自用者

四道江 在縣城東六十里爲赴臨江之咽喉計東西大街約半里許有商舖五十餘家並有馬集糧集附近居民農產物皆運銷此地通化縣第三區區公所暨警察第二區分駐所均設此地並有商會分會稅捐分局近來人烟亦頗稠密故該鎮爲本境第一巨鎮

快大茂子 距縣西四十里該鎮北臨大山便於守望故該鎮爲縣城

屏障亦爲赴奉天及桓仁之孔道民國初元該鎮人烟稠密商務繁盛自民國九年胡匪突入鎮燬於火商戶民廬焚燒泰半近復因軍旅往來多事騷擾商業狀況非復昔日可比通化縣第四區區公所及警察第三區均設此地商舖約五十餘家稅捐分卡亦設於此爲本境第二巨鎮

熱水河子 在縣城東三十里亦爲赴臨江之要路有商號三十餘家警察二區二區區公所暨保甲二區駐在所均設於此近來商業頗盛爲本境第三巨鎮

大泉眼 在縣南九十里爲赴桓仁之中樞有商號二十餘家通化縣

第五區區公所暨警察第三區分駐所稅捐分卡均設於此爲本境

#### 第四巨鎮

三棵榆樹 在縣城西北一百二十里爲赴興京之孔道街內住戶零星商務亦不甚發達通化縣第六區區公所暨警察第四區稅捐分局均設於此

集場子 在縣城北七十里該鎮以河爲界分東西集場河東曰東集場河西曰西集場東集場有商舖三十餘家警察第六區分駐所設於此西集場有商舖二十餘家警察第六區暨通化縣第八區區公所在焉該鎮因北界金川匪氛不時傳來故居民常青紗障起之時

均紛紛移居城內致商業仍未臻發達





山川志

嘗聞瓌瑋奇特之士每由山川而鍾毓是山川之關於人事亦重要矣  
哉吾通雖僻處邊隅而雄山秀水則固有以自豪者以言夫山長白之  
脈自濛臨蜿蜒而來爲四花頂爲分水嶺爲康刪嶺爲珠魯木克善高  
者每及數千尺龍盤虎踞摩厓拔地殆不讓秦中之終南蜀中之峨眉  
也以言夫水則東有佟佳江西有富爾江東北有哈爾民河瀾漫浩漚  
湍迅流駛又不讓燕北之溥沱齊西之淄汶也有如是之山川而所謂  
瓌瑋奇特者未之多見豈山川之靈氣有時而不驗耶抑間氣鍾毓必  
寄焉以有待而後發耶姑志之以俟諸他日

分水嶺 在城北七十里本名黑林嶺以其爲衆水所分故得今名綿  
亘千餘里如龍盤虎踞故又名龍崗與珠魯木克善峯同爲長白山  
支裔中隔佟佳江珠魯木克善峯在江北本系在江南

大椅子山 在城北三十里在哈爾民河大橫道河子之中形如坐椅  
下有踏足橙旁有扶手欄堪輿言在此盜葬祖墳子孫大貴某啣命  
上山四面開濬深溝使龍脈中絕今溝形尙存

孤砬子 在城東北十八里小山突起上有石砬峭立如壁

臭松頂子 在城西北七十里向南突起結成大頂峯極高峻上多臭

松故名

喀吧嶺 在城西北一百里起點在西北一百三十里鸚鵡溝嶺盤旋一百餘里

鸚鵡溝嶺 在城西北一百三十里在鸚鵡溝掌與柳河縣樓子城廠

交界

金斗山 在城西北七十里形若金斗故名

八岔頂山 在城西北六十里在陽春嶺之南東蹙子笆頭子兩溝之間

官道嶺 在城北十二里未修江隄台以前爲晉省通衢嶺修二道一走車一行人實縣城之北門鎖鑰

青嶺子 在城西北一百零五里北與柳河交界山巘複疊林木深密

三金頂子 在城西北一百六十里在蝥蛄河掌山深林密最險隘

牛心頂子 在城西北一百一十里在蝥蛄河西岸大倒木小倒木二

溝之間

西康刪嶺 在城西一百里跨信禾敏樹兩鄉綿亘七十餘里嶺開盤

道化險爲夷俗名西崗山嶺爲晉省通衢

大四花頂子 在城西南九十里跨信禾敏樹寬栗三鄉中結大頂飛

瀑四注蝕石如四瓣花故名山勢陡險

大都嶺 在城西南五十五里旋轉起伏四十餘里

小都嶺 在城西七十里梨樹溝小都嶺溝之間

懸羊砬子 在城西九十里在英額布南溝螻蛄河之間奇峯危石狀

若懸羊故名

小四花頂子 在城西南八十里大都嶺溝掌大四花頂子之下

狀元嶺 在城西南六十里南俯二道溝北襟大都嶺溝東帶高栗木

枝溝西靠四花頂子

胡馬嶺 在城西南五十里赴桓仁縣大道平坦通車

高栗木枝嶺 在城西南六十里赴桓仁縣大道

車道嶺 在城西南九十五里綿亘六十里平坦通車

通

化

縣志

卷一

奉天作新印刷局印

煙筒砬子 在城西南一百零五里在康刪嶺頭道二道兩溝之間

紅石砬子 在城西南一百三十里踞佟佳江北岸

南康刪嶺 在城西南一百二十里通桓交界爲往來大道

棋杆頂子 在城西南一百二十里山峯劍削形如棋杆故名

新開嶺 在城西南一百二十里與桓仁縣交界新開大道平可行車

### 故名

三棵榆樹大嶺 在城西一百四十里依木穌河南岸與桓仁縣交界

歡喜嶺 在城西一百四十里大小蜂蜜溝兩水之間行人從高山至

### 此喜其平坦故名

連山頂子 在城東北九十里四面山連中結一頂故名

元寶頂子 在城東北九十里哈爾民河南岸盤旋起伏二百餘里最

險要

白砬子 在城東六十五里與臨江縣寒蟲溝接壤過五道江嶺即臨

江著名盜藪之三岔子

老平坨 在城東北三十里崗雖高平如地上多沃壤

山城子 在城東北十五里山如小城

小椅子山 在城東北十里形如大椅子山

珠魯木克善峯 在城東南八十里爲江南岸羣山主峯縣境除佟佳



江外大小諸流發源於此

紅土崖西坡 在城東南七十里北坡爲臨江縣境

雙頂子 在城東南七十里本境大羅圈六道溝掌臨江紅土崖七道

羊岔之間

破口嶺 在城東南五十八里大羅圈四道溝掌險要

掛鐘嶺 在城東南五十里二道溝三道溝兩掌之間險要

五道江嶺 在城東六十里與臨江縣交界

大羅圈嶺 在城東南一百八十里與輯安縣交界

老禿頂子 在城東南六十里廻環曲折突起一峯圓如人頂上無樹

木若禿髮然故名

萬寶鉞子 在城東五十五里俗名王八脖子形如頸而長

歡喜嶺 在城東南七十里柳亘八十餘里與緝安縣交界

白雞腰子 在城東六十五里小羅圈溝大青溝大廟溝均發源於此

四花頂子 在城東南四十里在大青溝小羅圈溝兩水之間

樺皮頂子 在城東三十里在大青溝小羅圈溝兩水之間

油松頂子 在城東三十七里小羅圈溝西岸大礮子溝爛泥塘二水

之間

車道嶺 在城東四十五里小羅圈溝大青溝兩水之間可通車道

通化

縣志

卷一土地山川

二十一

奉天作新印刷局印



## 通化縣志序

輿地之有志古也自成周大司徒掌天下土地之圖以周知廣輪之數而職方氏之志復加詳焉迨漢滅秦蕭何入關先收圖籍始具知天下阨塞戶口之差然則輿志之宜尙也由來舊矣况自西學東漸對於輿地測驗方位經緯言之尤詳而謂邊圉藩服要荒甌脫之區顧可無書以垂諸久遠乎此通化縣志所以不可不修也溯余於民國十二年十一月膺縣長袁公兩田之聘佐治斯邦彈指之頃瞬經四載對於地方行政民生疾苦毫無補救清夜自思尙何言哉然人民感激仲卿猶戀桐鄉風土宜人永叔不忘穎上余之服務斯邦已屆四載則佟水皇山

歪頭砬子 在城東四十五里佟佳江南岸山頭有石而歪故名

牛心頂子 在城東三十里大青溝小廟溝兩水之間

杉松嶺 在城東二十八里大青溝小廟溝兩水之間

二道江嶺 在城東二十五里二道江南岸赴東大道

躲江嶺 在城東十八里佟佳江南岸

荒溝大頂子 在城東南三十五里在大小廟溝之間

砬岔嶺 在城東南八里大小廟溝之間

萬寶鉞子 在城南七里嶺西產金故名又形如頸而長俗呼王八脖

子

乾飯盆 在城南三十五里與輯安縣交界形如盆

大皮鼓鼎子 在城南三十里在夾皮溝大廟溝兩水之間

白石砬子 在城南三十里夾皮溝砬子溝兩水之間



佟佳江 發源於分水嶺南有三泉自谷流出故又名三岔子

舊在縣境今歸臨江縣

經臨江縣境之八道江七道江六道江至五道江始入縣境納梨樹

溝泉眼溝大乾溝大羅圈溝小羅圈溝水洞溝干溝子大青溝樣子

溝哈爾敏河抽水洞小廟溝之水流至縣城繞東南兩面成半圈形

向西南流復納小石棚子溝小北溝大石棚子溝大荒溝隄台溝大

廟溝泉眼溝將馬溝船營溝刺蛄溝河馬當溝小泉眼溝臭李子溝

夾皮溝大城廠溝砬子溝小城廠溝砬子溝高栗木枝溝西大歲子

溝磨齒子溝壘道溝三道溝二道溝城廠溝之水匯富爾江至桓仁

縣境與鴨綠江合流入於海



梨樹溝

在城東六十里發源於紅土崖

舊屬縣境今劃歸臨江府

北流十八里入修

佳江

泉眼溝

在城東六十五里發源於白砬子南流五里入修佳江

大干溝

在城東六十里發源於元寶頂子山納窰溝之水南流二十

里入修佳江

窰溝

在城東五十里發源於元寶頂子南坡東流六里入大干溝

大羅圈溝

在城東一百八十里發源於珠魯木克善峯納西溝十二

道溝十一道溝冰湖溝十道溝九道溝撓頭溝八道溝羣羊溝果松

川七道溝大長蟲溝六道溝蚩蛄甲五道溝干溝四道溝青溝三道

溝二道溝之水北流一百一十里入佟佳江

西溝 在城東南一百八十里發源於羅圈溝嶺西南坡東流七里入  
大羅圈溝

十二道溝 在城東南一百八十里發源於珠魯木克善峯西坡西流  
十二里入大羅圈溝

冰湖溝 在城東南一百七十里發源於小南岔東嶺東流五里入大  
羅圈溝

十道溝 在城東南一百六十里發源於珠魯木克善峯西坡西流十  
二里入大羅圈溝

九道溝 在城東南一百五十里發源於珠魯木克善峯西坡西流十

三里入大羅圈溝

撓頭溝 在城東南一百五十里發源於歡喜嶺納大西岔溝小西岔

溝小南岔溝之水北流三十里入大羅圈溝

大西岔溝 在城東南一百七十里發源於歡喜嶺東北坡東北流十

五里入撓頭溝

小西岔溝 在城東南一百六十里發源於本溝西山東流七里入撓

頭溝

小南岔溝 在城東南一百六十里發源於本溝南嶺北流六里入撓

頭溝

八道溝 在城東南一百五十三里發源於珠魯木克善峯西南坡西  
流十八里入大羅圈溝

果松川 在城東南一百五十里發源於歡喜嶺東南坡納西溝小石  
頭溝灣溝大石頭溝老人溝之水東北流二十里並羣羊溝入大羅  
圈溝

西溝 在城東南一百五十里發源於本溝西嶺東流四里入果松川  
小石頭溝 在城東南一百四十七里發源於本溝南嶺北流五里入

果松川

灣溝 在城東南一百四十五里發源於本溝西嶺東流五里入果松川

大石頭溝 在城東南一百四十二里發源於本溝南嶺北流七里入果松川

老人溝 在城東南一百三十九里發源於本溝西南嶺東流五里入果松川

羣羊溝 在城東南一百四十里發源於本溝南嶺北流七里並果松川入大羅圈溝

七道溝 在城東南一百三十五里發源於本溝東嶺西流十里入大

羅圈溝

大長蟲溝 在城東南一百三十里發源於本溝西嶺東流三里入大

羅圈溝

六道溝 在城東南一百四十五里發源於雙頂子納半朝鑾架溝當

石溝老人溝窮棒子溝王鳳閣溝灣溝回頭溝木掀頭溝西流三十

六里入大羅圈溝

半朝鑾架溝 在城東南一百四十五里發源於本溝南嶺北流八里

入六道溝

當石溝 在城東南一百四十里發源於本溝南嶺北流三里入六道

溝

老人溝 在城東南一百四十里發源於本溝南嶺北流二里入六道

溝

窮棒子溝 在城東南一百三十五里發源於本溝南嶺北流二里入

六道溝

王鳳閣溝 在城東南一百三十二里發源於本溝南嶺西北流三里

入六道溝

灣溝 在城東南一百三十二里發源於本溝北嶺南流二里入六道

溝

回頭溝 在城東南一百三十一里發源於本溝北嶺南流三里入六

道溝

木掀頭溝 在城東南一百三十里發源於本溝北嶺南流二里入六

道溝

螞蛄甲 在城東南一百二十五里發源於本溝西山東流四里入大

羅圈溝

五道溝 在城東南一百二十里發源於紅土崖西流十二里入大羅

圈溝

干溝 在城東南一百一十五里發源於本溝西山東北流五里入大



羅圈溝

四道溝 在城東南一百一十八里發源於破口嶺西流十一里入大

羅圈溝

青溝 在城東南一百一十里發源於老土頂子東北流三里入大羅

圈溝

三道溝 在城東南一百一十六里發源於本溝東南嶺西流八里入

大羅圈溝

二道溝 在城東南一百一十里發源於挂鐘嶺納東岔溝石門溝老

人溝之水西北流二十二里入大羅圈溝

東岔溝 在城東南一百一十里發源於本溝東山西流二里入二道

溝

石門溝 在城東南一百零八里發源於本溝東山西流二里入二道

溝

頭道溝 在城東九十里發源於挂鐘嶺西北坡西北流二十五里併

大羅圈溝入佟佳江

小羅圈溝 在城東南八十里發源於歡喜嶺納楊木橋子溝小東溝

小西岔溝鹿圈子溝大西岔溝東溝小砬子溝水湖溝城牆砬子溝

大砬子溝棒極砬子溝抽水洞溝軌韉草溝之水北流七十里入佟

佳江

楊木橋子溝 在城東南七十五里發源於歡喜嶺東北流十里入小

羅圈溝

小東溝 在城東南七十二里發源於本溝東山西流七里入小羅圈

溝

小西岔溝 在城東南七十一里發源於白雞腰子東北流九里入小

羅圈溝

鹿圈子溝 在城東南六十七里發源於蟻蛄甲山西流四里入小

羅圈溝

大西岔溝 在城東南六十七里發源於本溝西山東北流四里入小

羅圈溝

東溝 在城東南六十四里發源於本溝東山西流二里入小羅圈溝

小砬子溝 在城東南六十六里發源於四花頂子東北流四里入小

羅圈溝

冰湖溝 在城東南五十七里發源於本溝東山西流四里入小羅圈

溝

城墻砬子 在城東南五十五里發源於老土頂子西流三里入小羅

圈溝

大砬子溝 在城東南五十五里發源於樺皮頂子東北流三里入小

羅圈溝

棒槌砬子溝 在城東五十二里發源於老土頂子西北流二里入小

羅圈溝

抽水洞溝 在城東五十一里發源於車道嶺東流二里入小羅圈溝

軌鞠草溝 在城東五十里發源於鐵廠西嶺西流一里半入小羅圈

溝

水洞溝 在城東北七十五里發源於元寶頂子山納臭松溝倒青溝

西北岔溝窑東溝灣溝西岔溝冰溝梯子溝西葫蘆溝東葫蘆溝之

水南流二十八里入佟佳江

臭松溝 在城東北七十五里發源於元寶頂子山西流三里入水洞

溝

倒青溝 在城東北七十四里發源於本溝東山西流二里入水洞溝

西北岔溝 在城東北七十三里發源於元寶頂子山東南流四里入

水洞溝

窩東溝 在城東北七十三里發源於本溝東山西流四里入水洞溝

灣溝 在城東北七十一里發源於本溝東山西流五里入水洞溝

西岔溝 在城東北七十一里發源於元寶頂子山東南流四里入水

洞溝

冰溝 在城東北六十九里發源於本溝東山西流三里入水洞溝

梯子溝 在城東北六十八里發源於本溝東山西流三里入水洞溝

西葫蘆 在城東北六十六里發源於元寶頂子西南坡東流九里入

水洞溝

東葫蘆 在城東北六十一里發源於本溝東山西流一里入水洞溝

干溝子 在城東五十里發源於車道嶺北流十一里入佟佳江

大青溝 在城東南五十五里發源於白鷄腰子北坡納石廠溝冰湖

溝獾洞溝麻姑溝馱道溝之水北流二十五里入佟佳江

石廠溝 在城東南五十五里發源於本溝西山東北流一里入青溝

冰湖溝 在城東南五十四里發源於樺皮頂子西坡西北流三里入

大青溝

獾洞溝 在城東四十六里發源於油松頂西流三里入水洞溝

麻菇溝 在城東四十一里發源於車道嶺西流二里入大青溝

馱道溝 在城東三十八里發源於杉松嶺東北流四里入大青溝

樣子溝 在城東四十三里發源於元寶頂子納小樣子溝南流十三

里入佟佳江

小樣子溝 在城東北五十里發源於元寶頂子南流九里入樣子溝

通化縣

志

卷一 土地山川

三十二

奉天作新印刷局印



實不啻我之第二故鄉也而我又烏可無一言半語以識之哉考通化爲巖疆重鎮漢唐盛時威德加於朝鮮半島松花鴨綠之間往往夷爲郡縣明時建州衛而通化屬焉有清設治注重邊徼而通化之幅員乃浸淫而孳大今日者物阜財豐地力未艾礦區林業日見增多又孰謂扶輿磅礴之氣不鍾於此間也深望地方父老及有民物之責者宜整躬率物以厚其風俗興養立教以廣樹人材多方擘劃以盡其地力廣研樹植以擴其生產行見旣庶旣富繼之以教則此縣之曙光未始不可與內省各縣並也區區之忱尙望邦人君子有以採擇焉

通化縣署清鄉幫審員兼代第一科長莊河許東昶謹序

通化縣志序

丙寅夏五月通化教育所長任滿奉令調省正整裝俟駕之時而縣長李公東垣遣使持書敦勸備至聘余爲縣志編查館長適逢盛舉遂效微勞倘使簡編有光敢辭謏陋無似乃率爾操觚竄定其間亦以見義勇爲故而承乏與榮焉昔江淹有言修史之難無出於志誠以志者憲章之所繫非老於典故者不能爲也况通化開闢未久文獻無徵余何人斯敢膺此重任乎所賴邦人諸友示我周行若戰寶三諸公之旁搜博採調查周詳若徐冠堂諸公之拾遺補闕編輯精良鴻篇鉅製實億萬年之大業自夏徂冬凡六閱月而成書異日者呈之大府藏之名山

哈爾民河 在城東北三百里發源於分水嶺納雙河子溝簸箕掌溝

大冷溝小冷溝蘇家蹕溝迎門岔溝青溝回頭溝小北岔溝干溝梨

樹溝熱水河報馬橋溝南雙河磬嶺河雙驢溝上鬧枝溝大荒溝小

夾皮溝小砬子溝大夾皮溝大砬子溝水曲流川通溝三岔河大青

溝小青溝半截荒溝下鬧枝溝馬鹿溝小荒溝小龍爪溝大龍爪溝

青溝長蟲溝砍椽溝亮子後溝兌窩子溝老魚亮子溝石頭河簸箕

掌青溝哈爾民河柳條溝之水西南流二百九十五里入佟佳江

雙河子 在城東北三百里發源於分水嶺西南流七里入哈爾民河

簸箕掌溝 在城東北二百九十里發源於分水嶺西南流十五里入

哈爾民河

大冷溝 在城東北二百九十里發源於杏嶺北流三里入哈爾民河  
小冷溝 在城東北二百八十五里發源於杏嶺北流四里入哈爾民河

蘇家蹕溝 在城東北二百八十一里發源於大青頂子西南流六里入哈爾民河

迎門岔溝 在城東北二百八十一里發源於本溝南嶺北流六里入哈爾民河

青溝 在城東北二百七十七里發源於天橋嶺西南流九里入哈爾

民河

回頭溝 在城東北二百九十里發源於本溝南山東北流二十里納高力溝水又北流十里入哈爾民河

小北岔溝 在城東北二百六十七里發源於分水嶺南流九里入哈爾民河

干溝 在城東北二百六十七里發源於本溝南山北流八里入哈爾民河

梨樹溝 在城東北二百六十八里發源於分水嶺南流十一里入哈爾民河

熱水河 在城東北二百六十九里發源於本溝南嶺北流十五里入

哈爾民河

報馬橋 在城東北二百六十里發源於分水嶺南流十五里入哈爾

民河

南雙河 在城東北二百五十八里發源於本溝南嶺北流九里入哈

爾民河

磬嶺河 在城東北二百四十三里發源於分水嶺南流四里入哈爾

民河

雙驢溝 在城東北二百四十里發源於分水嶺南流十三里入哈爾

民河

上開枝溝 在城東北二百四十八里發源於分水嶺東流二十里入哈爾民河

大荒溝 在城東北二百四十八里發源於本溝南嶺納橫虎頭高力溝曾家溝大北岔溝蚊子溝西岔溝北流四十五里入哈爾民河

小夾皮溝 在城東北二百里發源於本溝南山北流三里入哈爾民河

小碾子溝 在城東北二百里發源於分水嶺南流五里入哈爾民河

大夾皮溝 在城東北二百里發源於本溝南嶺北流五里入哈爾民河

河

大砬子溝 在城東北二百零四里發源於分水嶺南流十四里入哈爾民河

水曲流川 在城東北一百九十里發源於分水嶺南流四里入哈爾民河

通溝 在城東北一百八十里發源於連山頂子北流十里入哈爾民河

三公河 在城東北一百七十里發源於分水嶺東南流十五里入哈爾民河



大青溝

在城東北一百六十里發源於分水嶺東南流六里入哈爾

民河

小青溝

在城東北一百五十里發源於分水嶺東南流三里入哈爾

民河

半截荒溝

在城東北一百三十五里發源於分水嶺東南流二里入

哈爾民河

下開枝溝

在城東北一百五十里發源於分水嶺東南流二十五里

入哈爾民河

馬鹿溝

在城東北一百三十里發源於本溝東北山西南流四里入

哈爾民河

小荒溝 在城東北一百三十五里發源於連山頂子西南流十八里入哈爾民河

小龍爪溝 在城東北一百里發源於連山頂子西流五里入哈爾民河

大龍爪溝 在城東北九十六里發源於連山頂子西南流十二里入哈爾民河

青溝 在城東北八十六里發源於本溝東山西流七里入哈爾民河

長蟲溝 在城東北七十八里發源於本溝東山西流九里入哈爾民

河

砍椽溝 在城東北七十八里發源於椅子山東南流十里入哈爾民

河

亮子溝 在城東北六十五里發源於本溝東山西流六里入哈爾民

河

兌窩子溝 在城東北六十三里發源於椅子山東流四里入哈爾民

河

老漁亮子 在城東北四十八里發源於本溝東山西流三里入哈爾

民河

石頭河 在城東北三十八里發源於小椅子山北流三里入哈爾民河

簸箕掌溝 在城東北二十八里發源於椅子山南流四里入哈爾民河

青溝 在城北二十八里發源於椅子山南流八里入哈爾民河

額爾民河 在城西北一百里發源於分水嶺納三道干溝小西岔溝

二道干溝頭道干溝煙子窩溝大西岔溝砬子溝大灣溝達連川不

起眼溝橫虎頭小橫道河木局溝英英溝豬圈溝冷溝大橫道河菜

園溝下八寶溝空楊樹溝之水東南流九十里入哈爾民河

三道干溝 在城西北發源於分水嶺南流三里入額爾民河

小西岔溝 在城西北八十八里發源於本溝西山東流七里入額爾

民河

二道干溝 在城西北八十五里發源於分水嶺南流四里入額爾民

河

頭道干溝 在城西北八十二里發源於分水嶺南流四里入額爾民

河

烟子窩溝 在城西北七十九里發源於分水嶺南流四里入額爾民

河

大西岔溝 在城西北七十七里發源於本溝西南嶺東北流七里入

額爾民河

砬子溝 在城西北七十四里發源於分水嶺南流五里入額爾民河

大灣溝 在城西北五十四里發源於分水嶺南流十里入額爾民河

達連川 在城西北四十九里發源於金斗山北坡東流十一里入額

爾民河

不起眼溝 在城西北四十三里發源於陽春嶺北坡東北流四里併

入橫虎頭溝入額爾民河

橫虎頭 在城西北四十二里發源於陽春嶺北坡東北流三里匯不

起眼溝入額爾民河

小橫道河 在城西北三十九里發源於臭松頂子南流十二里入額

爾民河

木局溝 在城西北三十六里發源於陽春嶺東坡東北流三里入額

爾民河

英英溝 在城北三十四里發源於本溝南嶺北流三里入額爾民河

豬圈溝 在城西北三十一里發源於本溝西南山東北流四里入額

爾民河

冷溝 在城西北二十九里發源於本溝西南山東北流三里入額爾

民河

大橫道河 在城北八十五里發源於分水嶺納十道溝九道溝八道

溝于冢蹠溝老嶺溝杉松溝黑瞎子溝八寶溝三道羊岔溝二道羊

岔溝頭道羊岔溝馬當溝杉松背溝之水東南流五十八里入額爾

民河

十道溝 在城北八十五里發源於分水嶺東流十里入橫道河

九道溝 在城北八十二里發源於本溝西南山東北流七里入橫道

河

八道溝 在城北七十九里發源於本溝西南山東北流七里入橫道



河

于家蹕溝 在城北八十二里發源於分水嶺南流八里入橫道河

老嶺溝 在城北七十里發源於分水嶺南流十二里入橫道河

杉松溝 在城北六十五里發源於分水嶺西南流八里入橫道河

黑瞎溝 在城北五十五里發源於本溝東山西流六里入橫道河

八寶溝 在城北五十五里發源於本溝東北山西南流十一里入橫

道河

三道羊岔溝 在城北五十三里發源於臭松頂子東流七里入橫道

河

二道羊岔溝 在城北五十里發源於臭松頂子東流六里入橫道河  
頭道羊岔溝 在城北四十八里發源於本溝西山東流四里入橫道

河

馬堂溝 在城北四十六里發源於椅子山西南流五里入橫道河

杉松背溝 在城北四十二里發源於椅子山西流八里入橫道河

菜園溝 在城北三十一里發源於本溝西山東流三里入額爾民河

下八寶溝 在城北二十九里發源於本溝北山南流四里入額爾民

河

空楊樹溝 在城北二十四里發源於本溝西山東流六里入額爾民

河

柳條溝 在城北九里發源於官道嶺東流二里入額爾民河

抽水河 在城東二十里發源於本溝南嶺西北流十里入佟佳江

小廟溝 在城東南三十里發源於牛心頂子納高麗溝銀廠溝黑瞎

溝趙家蹕溝砬門溝三道砬岔二道砬岔頭道砬岔西北流二十八

里入佟佳江

高麗溝 在城東南二十三里發源於荒溝大頂子西北流三里入小

廟溝

銀廠溝 在城東南一十八里發源於牛心頂子西北流四里入小廟

溝

黑瞎溝 在城東南十五里發源於本溝南山北流三里入小廟溝

趙家蹕溝 在城東南十三里發源於杉松嶺西流四里入小廟溝

砬門溝 在城東南十里發源於杉松嶺西流四里入小廟溝

三道砬岔 在城東南九里發源於本岔南砬北流二里入小廟溝

二道砬岔 在城東南八里發源於本岔南砬北流二里入小廟溝

頭道砬岔 在城東南七里發源於本岔南砬北流二里入小廟溝

小石棚子溝 在城東北八里發源於官道嶺南流十一里入佟佳江

小北溝 在城北三里發源於本溝北山南流五里入佟佳江

大石子溝 在城西北十五里發源於本溝北山南流十五里入佟佳

江

大荒溝 在城西北十八里發源於空楊樹嶺東南流二十二里入佟

佳江

隄台溝 在城西十三里發源於本溝西北山東南流四里入佟佳江

大廟溝 在城東南七十五里發源於白鷄腰嶺納大東溝太平溝高

力溝馱道溝香油坊溝哈塘溝荒溝老房溝砍椽溝二畝地河之水

西北流六十八里入佟佳江

大東溝 在城東南七十四里發源於白鷄腰子西流十里入大廟溝

太平溝 在城東南七十里發源於本溝東山西流七里入大廟溝

高力溝 在城東南六十七里發源於本溝南山北流四里入大廟溝

馱道溝 在城東南六十五里發源於本溝東山西流七里入大廟溝

香油坊溝 在城東南六十五里發源於本溝東山西流十里入大廟

溝

哈塘溝 在城東南五十七里發源於本溝南山北流五里入大廟溝

荒溝 在城東南四十五里發源於大頂子西流四里入大廟溝

老房溝 在城東南四十里發源於本溝東山西流五里入大廟溝

砍椽溝 在城東南三十里發源於本溝東北崗西南流五里入大廟

通化縣志 卷一 土地山川 四十二 一 奉天作新印刷局印

豈復敢以斯文自詭略以此編爲後之人考古之一助云爾曉峯李鎮

華謹識

## 通化縣志序

新紀元十有五年秋九月通化縣志編查館成創舉也館長李君曉峯以編輯荐聘四人章與焉辭弗獲因思邑志猶國史也政教風俗之蹟山川險隘之要鄉村道里之制與夫民度之文野物產之盈虛莫不具備遷史班志其先例也故編志首以體例爲要而體例尤與時爲新舊守舊者簡而拘鶩新者濫而陋明洪武初元史出世多遺議則知志以體例爲經而故實其緯也體例明則書之大略具焉矣次則調查調查不備則掛一漏萬不詳則無從著手故編輯尤以調查爲前驅也章分

任名勝古蹟風俗藝文祠宇謹依體例搜索補綴勉竭謏劣稿及期成



溝

二畝地河 在城南二十五里發源於本溝西南山東北流六里入大

廟溝

大泉眼溝 在城西南十七里發源於本溝東南山西北流五里入佟

佳江

將馬溝 在城西二十二里發源於本溝北山南流九里入佟佳江

船營溝 在城西二十五里發源於本溝北崗南流五里入佟佳江

蝸蛄河 在城西北一百六十里發源於分水嶺窟窿楊樹納暖泉溝

大北岔溝小東岔溝牛心溝胡米溝土窩溝襪筒溝撓溝青嶺溝軌

鞠草溝鸚鵡溝車拉背溝梨樹溝老米溝大倒木溝野豬溝轉水湖  
溝英額布河高麗廟子溝青溝子庫倉溝小都嶺溝梨樹溝蛤蟆塘  
隄台溝大土溝小土溝金斗河灣溝青溝波羅芽溝大都嶺河水曲  
流川軌鞞草溝楊木包溝蛤蟆河水湖溝小荒溝之水東南流入佟

佳江

暖泉 在城西北一百五十二里發源於本溝西南山東北流四里入  
蚩姑河

大北岔溝 在城西北一百五十五里發源於分水嶺西南流七里入

蚩姑河

小東岔溝 在城西北一百五十里發源於分水嶺西南流三里入螭

蛄河

牛心溝 在城西北一百五十里發源於本溝西南山東北流四里入

螭蛄河

胡米溝 在城西北一百四十七里發源於本溝西山東北流八里入

螭蛄河

土窰溝 在城西北一百三十八里發源於本溝東北山西南流九里

入螭蛄河

襪筒溝 在城西北一百三十里發源於本溝東北山西南流三里入

螭蛄河

撓溝 在城西北一百三十里發源於本溝西南山東北流四里入螭

蛄河

青嶺溝 在城西北一百三十五里發源於青嶺子西南流十五里入

螭蛄河

軌鞠草溝 在城西北一百二十六里發源於崗山嶺東北流十里入

螭蛄河

鸚鵡溝 在城西北一百二十八里發源於鸚鵡溝嶺西南流十五里

入螭蛄河

車拉背 在城西北一百一十三里發源於崗山嶺東北流十里入螭

蛄河

梨樹溝 在城西北一百一十里發源於崗山嶺東北流四里入螭蛄

河

老米溝 在城西北一百一十里發源於本溝北崗南流十里納大馱

道溝之水西南流入螭蛄河

大馱道溝 在城西北一百一十里發源於本溝東北山西南流八里

入老米溝

小馱道溝 在城西北一百零八里發源於本溝西山東流六里入老

米溝

大倒木溝 在城西北一百零二里發源於崗山嶺西流六里入螻蛄

河

野豬溝 在城西北九十八里發源於本溝東山西流六里入螻蛄河

轉水湖 在城西北九十里發源於本溝東北山納張家蹠子溝河西

南流四里入螻蛄河

英額布河 在城西一百一十里發源於四花頂子納羊圈子溝二道

干溝通天溝頭道溝冷溝崗山川河老虎洞溝小倒木溝之水東北

流三十五里入螻蛄河

羊圈子溝 在城西一百零八里發源於四花頂子東流四里入英額

布河

二道干溝 在城西一百零六里發源於崗山嶺東流三里入英額布

河

通天溝 在城西一百零四里發源於本溝東崗西流三里入英額布

河

頭道溝 在城西九十六里發源於康刪嶺東北流三里入英額布河

冷溝 在城西九十四里發源於康刪嶺東流二里入英額布河

康刪川 在城西一百里發源於康刪嶺東南流十里入英額布河

老虎洞 在城西九十五里發源於本溝北山南流五里入英額布河

小倒木溝 在城西九十二里發源於本溝西北山東南流四里入英

額布河

高力廟溝 在城西八十里發源於本溝東山西流三里入螻蛄河

青溝子 在城西八十五里發源於本溝西山東流五里入英額布河

小都嶺溝 在城西八十八里發源於小都嶺東北流十三里入螻蛄

河

梨樹溝 在城西八十里發源於都嶺崗北流八里入螻蛄河

蛤蟆塘 在城西七十六里發源於都嶺崗北流六里入螻蛄河



隄台溝 在城西七十二里發源於本溝北山南流四里入蝻蛄河

大土溝 在城西七十里發源於都嶺崗北流四里入蝻蛄河

小土溝 在城西六十七里發源於都嶺崗北流三里入蝻蛄河

金斗河 在城西七十五里發源於金斗山納老房溝劉家營河石廟

溝 砬子溝大東溝雙窰溝南流二十二里入蝻蛄河

老房溝 在城西七十二里發源於金斗山東南流三里入金斗河

劉家營河 在城西七十一里發源於本溝東山西流三里入金斗河

石廟溝 在城西七十里發源於本溝西山東流三里入金斗河

砬子溝 在城西六十七里發源於本溝西山東流三里入金斗河

大東溝 在城西六十六里發源於本溝東崗西南流六里入金斗河

雙窰溝 在城西六十八里發源於本溝東崗西流十里入金斗河

灣溝 在城西五十五里發源於本溝北山南流四里入螭蛄河

青溝 在城西五十一里發源於都嶺北山東流三里入螭蛄河

波羅芽溝 在城西五十里發源於本溝東北山西南流十二里入螭

### 蛄河

大都嶺河 在城西九十里發源於四花頂子納瓢揚溝井溝老道嶺

溝兒馬駒溝蹙子溝干溝徐家大溝懶怠溝錯草溝野鷄勝溝虎馬

嶺溝大赤栢松溝大灣溝松樹溝金福溝干溝之水東流四十五里

入螭蛄河

瓢揚溝 在城西九十里發源於本溝西北山東南流二里入大都嶺

河

井溝 在城西八十六里發源於本溝西南山東北流二里入大都嶺

河

老道嶺溝 在城西八十六里發源於本溝北山南流四里入大都嶺

河

兒馬駒溝 在城西八十五里發源於本溝西南山納帽頭溝河東北

流四里入大都嶺河

帽頭溝 在城西八十二里發源於本溝南崗北流二里入兒馬駒溝

蹕子溝 在城西八十二里發源於本溝南崗北流七里入大都嶺河

干溝 在城西七十七里發源於本溝北山南流四里入大都嶺河

徐家大溝 在城西七十二里發源於本溝南山北流五里入大都嶺

河

懶怠溝 在城西七十一里發源於本溝北山南流四里入大都嶺河

錯草溝 在城西六十九里發源於本溝南山北流六里入大都嶺河

野鷄勝溝 在城西六十六里發源於虎馬嶺北流四里入大都嶺河

虎馬嶺溝 在城西六十里發源於虎馬嶺北流六里入大都嶺河

大赤柏松溝 在城西六十一里發源於本溝西北山納大人溝小赤  
柏松溝之水南流八里入大都嶺河

大人溝 在城西六十一里發源於本溝北山南流二里入大赤柏松  
溝

小赤柏松溝 在城西六十里發源於本溝東北山西南流三里入大  
赤柏松溝

大灣溝 在城西五十七里發源於本溝南山北流五里入大都嶺河  
松樹溝 在城西五十八里發源於本溝東南山西北流五里入大都

嶺河

金福溝 在城西五十五里發源於本溝北山南流三里入大都嶺河

干溝 在城西五十四里發源於本溝東南山西北流四里入大都嶺

河

水曲流川 在城西四十八里發源於本溝南山北流六里入螻蛄河

大靛韃草溝 在城西四十五里發源於本溝北山南流十里入螻蛄

河

楊木包溝 在城西四十里發源於本溝南山北流六里入螻蛄河

蛤蟆河 在城西北五十八里發源於陽春嶺納東蹕子西蹕子螻蛄

甲扒頭子窩子溝馱道溝樓上河之水南流三十里入螻蛄河

東蹠子溝 在城西北五十六里發源於本溝東崗西流三里入蛤蟆

河

西蹠子溝 在城西北五十六里發源於本溝西山東流五里入蛤蟆

河

喇咕甲溝 在城西北五十二里發源於本溝西崗東流六里入蛤蟆

河

扒頭子溝 在城西北五十里發源於本溝東崗西流五里入蛤蟆河

窰子溝 在城西北四十六里發源於本溝東北山西南流四里入蛤

蟆河

馱道溝 在城西北四十四里發源於本溝東北山西南流五里入蛤

螞河

樓上河 在城西四十一里發源於本溝東崗西流三里入蛤螞河

冰湖溝 在城西二十八里發源於本溝南山北流四里入螻蛄河

小荒溝 在城西二十四里發源於本溝北山南流十里入螻蛄河

馬當溝 在城西南二十五里發源於本溝西南山東北流五里入佟

佳江

小泉眼溝 在城西南三十里發源於本溝東北崗西南流二里入佟

佳江



臭李子溝 在城西南三十六里發源於西崗東流十里入佟佳江

夾皮溝 在城南四十里發源於本溝東南山西北流十五里入佟佳

江

大城廠溝 在城西南四十二里發源於高力木枝嶺東流十里入佟

佳江

砬子溝 在城南五十里發源於本溝東山西流五里入佟佳江

小城廠溝 在城西南五十二里發源於高力木枝嶺東南流五里入

佟佳江

砬子溝 在城西南五十三里發源於本溝西山東流四里入佟佳江

高栗木枝河 在城西南七十五里發源於高栗木枝嶺納梨樹溝炮  
手營河大葦塘溝蹠子溝小葦塘溝牛心頂河麻泡子溝石廟溝侯  
家溝之水東流四十里入佟佳江

梨樹溝 在城西南七十二里發源於本溝南崗北流五里入高栗木  
枝河

炮手營河 在城西南六十八里發源於本溝北崗南流三里入高栗  
木枝河

大葦塘溝 在城西南六十五里發源於本溝北崗南流五里入高栗  
木枝河

蹠子溝 在城西南六十八里發源於本溝南山北流七里入高栗木

枝河

小葦塘溝 在城西南六十四里發源於本溝北山南流六里入高力

木枝河

牛心頂河 在城西南六十六里發源於本溝南山北流五里入高力

木枝河

麻泡子溝 在城西南六十四里發源於本溝北崗南流四里入高力

木枝河

石廟溝 在城西南六十二里發源於本溝東北山西南流四里入高

力木枝河

侯家溝 在城西南六十三里發源於本溝南山 流八里入高力木

枝河

西大歲子溝 在城西南六十八里發源於本溝北山南流三里入佟

佳江

磨齒子溝 在城西南八十里發源於本溝北山南流十里入佟佳江

疊道溝 在城西南八十五里發源於本溝北山納狼洞子溝之水南

流十五里入佟佳江

狼洞子溝 在城西南八十五里發源於本溝東北山西南流五里入

通化縣志

卷一土地山川

五十二

奉天作新印刷局印

用是而慨然矣通化自設治六十年來志乘缺然編志在內地名都則  
文獻足徵以爲守成例事通化則僻在邊徼從來未有實始創新紀也  
難易自有間焉昔宜興潘茂蓀先生治是邦嘗手創志書矣惜未觀成  
而先生沒而稿亦佚嗚呼道之廢興遲早蓋有天焉天祚文明則煌煌  
鉅製燦然爛然媲美名都先覩爲快矣乃不俾一人成於前而必使羣  
力效於後則進化之運於今爲烈掌故紀新更益多多而吉光片羽猶  
得憑而踵事增華以竟其志此豈非天哉他日梓出邦人覽之亦將有  
感於斯編時維丁卯春花朝序於館之西軒冠堂徐潤章識

通化縣志序

通化當白山支麓踞佟江中游環境百里嶺峻江湍蓋肅慎遺封久成  
荒僻險塞之區三代以前渺矣秦漢而後時則屬挹婁時則屬勿吉時  
則屬渤海時則屬契丹時則屬建州興京兩千年來東方之屏藩也往  
者山林甫啟地曠人稀視同甌脫前清同光之間政府注重東陲遴員  
設治於是錢塘金波張公首蒞斯土築城郭建官署理田疇設學塾一  
掃筮路藍縷之風繼任若廖錢如若慕平甫若史耀五類能以勸農興  
學稱及前監督潘公茂蓀下車攝篆更蒸蒸而日上矣公南中名孝廉  
也敦歷仕途舉以兩漢循良自矢自是興學校課農桑辦警察倡商礦

疊道溝

三道溝 在城西南一百一十里發源於高力木枝南嶺納西油松嘴  
溝東油松嘴溝老房溝東蹕子溝西蹕子溝喜鵲砬溝山梨紅溝之

水南流三十里入佟佳江

西油松嘴溝 在城西南一百一十里發源於本溝西崗東流四里入

三道溝

東油松嘴溝 在城西南一百一十里發源於本溝東山西流五里入

三道溝

老房溝 在城西南一百零八里發源於本溝西山東流四里入三道

溝

東蹕子溝 在城西南一百零六里發源於本溝東山西流三里入三

道溝

西蹕子溝 在城西南一百零五里發源於本溝西山東流四里入三

道溝

喜鵲砬溝 在城西南一百零四里發源於本溝西山東流五里入三

道溝

山梨紅溝 在城西南一百里發源於本溝西山東流十里入三道溝

二道溝 在城西南一百里發源於四花頂子納小荒溝小才郎洞溝



大西岔溝大才郎洞溝車道嶺河團汀子龍鳳溝砬子溝錢桌子溝之水南流五十五里入佟佳江

小荒溝 在城西南一百零五里發源於本溝西北崗東南流四里入二道溝

小才郎洞溝 在城西南一百零五里發源於高力木枝嶺西南流四里入二道溝

大西岔溝 在城西南一百零九里發源於四花頂子東南流二十五里入二道溝

大才郎洞溝 在城西南一百一十五里發源於本溝東崗西南流六

里入二道溝

車道嶺河 在城西南一百一十六里發源於車道嶺東流三里入二

道溝

團汀子溝 在城西南一百一十六里發源於本溝東崗西南流四里

入二道溝

龍鳳溝 在城西南一百一十九里發源於本溝東山西流四里入二

道溝

砬子溝 在城西南一百二十里發源於本溝西山東流四里入二道

溝

錢桌子溝 在城西南一百二十二里發源於本溝東山西流三里入

二道溝

城廠溝 在城西南一百二十八里發溝於本溝西北山東南流三里

入二道溝

富爾江 距城二百里由西北而南經桓仁縣境轉東至縣屬西南發

源於金廠嶺納孟東溝葦塘溝荒溝城廠溝依木穌河臭李子溝之

水南流七十里入桓仁縣境東南轉復至縣屬西南納頭道溝水入

佟佳江

孟東溝 在城西北一百九十八里發源於金廠嶺西南流六里入富

爾江

葦塘溝 在城西北一百八十里發源於本溝東山納冰湖溝瞎扒子

溝西流十五里入富爾江

冰湖溝 在城西北一百七十八里發源於本溝東北崗西南流六里

入葦塘溝

瞎扒子溝 在城西北一百八十五里發源於分水嶺南流十五里入

葦塘溝

荒溝 在城西北一百七十五里發源於本溝東山西流六里入富爾

江

城廠溝 在城西北一百七十里發源於本溝東北山納半拉背溝之水西南流二十里入富爾江

依木蘇河 在城西十里發源於增盛溝掌北山納上馬道溝鞭桿溝楊木保溝獐子溝小蜂蜜溝大蜂蜜溝川牌溝水曲流川葦塘溝之水西南流五十里入富爾江

上馬道溝 在城西一百三十里發源於本溝東北崗西南流五里入依木蘇河

下馬道溝 在城西一百二十八里發源於本溝東山西流五里入依木蘇河

鞭桿溝 在城西一百三十二里發源於本溝西北山東南流十二里入依木穌河

楊木保溝 在城西一百二十里發源於康刪嶺西流十里入依木穌河

獐子溝 在城西一百一十里發源於康刪嶺西流八里入依木穌河

小蜂蜜溝 在城西一百一十里發源於康刪嶺西北流十二里入依木穌河

大蜂蜜溝 在城西一百二十里發源於四花頂子西北流十八里入

依木穌河

川牌子溝 在城西一百四十里發源於本溝南山北流七里入依木

蘇河

水曲流川 在城西一百五十三里發源於本溝北山南流七里入依

木蘇河

草塘溝 在城西一百五十二里發源於東南山西北流八里入依木

蘇河

臭李子溝 在城西一百五十五里發源於本溝東南山西北流五里

入富爾江

頭道溝 在城西南一百十五里發源於四花頂子納松枝溝庫當溝

石頭河 儂孩子溝 棋杆頂溝 車道嶺 河康 刪河 古石 罐子溝 丟當木  
溝 大魚眼溝 城牆 砬子溝 小魚眼溝 白石 砬子溝 東南流 一百一十  
里 入富爾江

松枝溝 在城西南一百十五里 發源於石花頂子 東南流八里 入頭  
道溝

庫當溝 在城西南一百十六里 發源於南康 刪嶺 東流六里 入頭道  
溝

石頭河 在城西南一百十七里 發源於南康 刪嶺 東流八里 入頭道

溝



傻孩子溝 在城西南一百十八里發源於南康刪嶺東流七里入頭

道溝

棋杆頂子溝 在城西南一百十九里發源於棋杆頂子東流十一里

入頭道溝

車道嶺河 在城西南一百零七里發源於車道嶺西南流四里入頭

道溝

康刪河 在城西南一百十八里發源於南康刪嶺東流五里入頭道

溝

古石罐子溝 在城西南一百二十里發源於新開嶺東流七里入頭

道溝

丟當木溝 在城西南一百二十里發源於烟筒砬子西流六里入頭

道溝

大魚眼溝 在城西南一百二十二里發源於本溝西山東流五里入

頭道溝

城牆砬子溝 在城西南一百二十三里發源於烟筒砬子西流六里

入頭道溝

小魚眼溝 在城西南一百二十四里發源於本溝西山東流四里入

頭道溝

通化縣志 卷一 土地山川 五十八

奉天作新印刷局印

白石砬子溝 在城西南一百二十六里發源於本溝西山東流四里

入頭道溝

險隘志

李左車塞井陘而韓信不敢窺趙劉寄奴過大峴而北虜盡在目中自來兩軍交綏操勝券者雖恃乎將帥得人士卒用命而地勢之扼要尤競競焉縣境居省東徼嶺重山峭江湍溝深若一面城若四花頂若紅石砬若白鷄腰若大石棚若江隄台真所謂車不得方軌騎不得成列者方之井陘大峴亦豈多讓倘遇用兵之際苟能扼要自固何患虜騎自天降哉嗚呼十年以還東邊劇盜縱橫吾通得獨慶安全者固由賢有司之調度有方軍警團之勦捕盡力亦地勢險固使之然也謹考境內險隘都十八處分列於左

珠魯木克善峯

在城東南一百八十里爲佟佳江南岸主峯山勢最

高不能逕登修闢盤道廻環曲折二三十里內處處

可以扼要

老禿頂子

在城東南六十里比佟佳江高七八里山石排列形

若臥牛（俗名臥牛石）藏身石後可禦槍炮有十餘

人靜守此山雖千百人不易據奪

一面城

在城東北二百三十里在回頭溝門入溝東北行三

十餘里即吉林省濛江縣屬黃花松甸子（漢書絕

沃沮千里即在此）石砬雄峙砬西南爲縣境平地

百畝可駐紮礮東北爲濛境削壁千仞如城墻由下

高望巉巖劍削形若山城但祇一面故名

雙驢溝 在城東北一百六十里兩山對夾一溝中通曲折迴

環隨在可以設伏

大橫道河 在城北八十五里西北從老嶺溝起東南至八寶溝

止長二十里峯巒對夾車道中通曲折甚多每遇一

灣有天然大石數十方如築營壘

孤礮子 在城北二十五里東西北皆懸崖千仞惟南有崗人

可攀登哈泥河繞其東北額爾民河繞其西南山駐

有兵非得允許不能渡河

蚩蛄河掌

在城西北一百六十里即分水嶺之南坡東起小東

岔西至空楊樹四十餘里長崗外曲可作屏障深谷

內藏可駐營伍節節設伏能有三十餘處非熟路徑

不能深入

臭松頂子

在城西北七十里比佟佳江高七八里山峯高聳岩

石層排曲折迴環與蚩蛄河掌同一形勢

三棵榆樹下牌

在城一百四十里峯勢峻嶒踞富爾江東岸山頂

有平地百畝可以駐兵一營惜少屏蔽

大四花頂子 在城西南九十里比佟佳江岸高八九里危峯突起

小泉四注蝕石如花向爲盜藪今蕩淨惟跨寬信敏

三鄉最險要

紅石砬子 在城西南一百三十里東有懸崖崖下即佟佳江有

石壁壁下即富爾江西北即大四花頂子山系頭道

溝二道溝兩水夾流

白鷄腰子 在城南六十五里在大廟溝掌小廟溝掌小羅圈溝

之間岩石錯雜峯巒危高最便防勦股匪

公園後山 在城東五里俗名玉皇閣東面扼佟佳江西面蔽小



石棚北面應山城子南面蔽東江沿爲縣城東第一

險隘山頂有泉尤爲難觀昔日俄苦戰於此

萬寶鉞子 在城南七里俗名王八脖子在佟江南岸山勢雖小

保衛城市亦宜注意

江隄台 在城西十八里佟佳江環抱東南本係懸崖純用人

力鑿石開道道之左右非千仞高山即湍流大河別

無可通路徑防守縣城實關重要

大石棚子 在城西十里山嶺陡險由西入城江隄台不能通恐

或改走此道倘或保護城市此山亦宜注意

北大崗 在城西北七里在佟佳江西岸爲縣城第一高峯遠

瞭可四十五里日俄之戰因爭此山相持最久迄今

營壘壕溝尙復存在

城後北山 在城北二里如金陵之雨花台惟局面殊小攻守縣

城必均先得此山日俄之戰壕壘猶存

百廢俱興不遺餘力進步之觀一日千里公餘之暇集紳耆訪遺聞做

史漢表志體例手編縣志用徵文獻

潤章

嘗從公學得觀底稿惜書將

成而公捐館稿亦旋佚可慨也去年秋省令勒限修志監督李公東垣

不棄謫陋謬委

潤章

與邵君緯宸徐君冠堂孟君伯蓀等四人分任編

輯更委館長李君曉峯董其成經始於丙寅秋脫稿於丁卯春凡六閱

月而蒞事

潤章

所分編者爲兵事區村山川險隘疆域建置六項以淺

膚寡聞之資而敢貿焉應命潦草寒賈者皆據拾潘公之殘遺也抑尤

有進者嘗聞方志之作網羅散佚撰集舊聞爲史者資焉昔漢之疆也

劉向言域分朱贛條風俗班氏資以爲志蜀之啓土楊戲陳術之徒各

著書論益都人物陳氏資以爲傳今茲通化縣志一編吾同人之志豈敢以記方隅之故實爲史官之要刪哉夫亦誘進邦人使勉強學問且使數典而勿忘其祖也書旣成例有序故爲之弁

中華民國十六年三月一日憲斌宮潤章識